

四庫全書

史部

欽定四庫全書

資治通鑑卷二百六十四 宋 司馬光 撰

胡三省 音註

唐紀八十

起昭陽大淵獻二月盡閏逢困敦閏月凡一年有奇

昭宗聖穆景文孝皇帝下之上

天復三年二月壬申朔詔比在鳳翔府所除官一切停

比毗至翻近也停所除官者以皆出李茂貞韓全誨之意也時宦官盡死惟河東監

軍張承業幽州監軍張居翰清海監軍程匡柔西川監

軍魚全禮及致仕嚴遵美為李克用劉仁恭楊行密王

建所匿得全斬它囚以應詔

禮伊真翻嚴遵美時隱蜀之青城山据通鑑所書程

匡柔蓋楊行密匿之

甲戌門下侍郎同平章事陸宸責授沂王

傳分司

沂王禮皇子也禮一作裡

車駕還京師賜諸道詔書獨鳳翔

無之宸曰茂貞罪雖大然朝廷未與之絕今獨無詔書

示人不廣

考異曰舊傳帝還京後赦諸道皆降詔書獨鳳翔無詔宸奏云云按是時未赦恐止是

降詔書或赦前宸議如此故脣怒耳

崔脣怒奏貶之宮人宋柔等十一人

皆韓全誨所獻

獻宋柔等見上卷元年

及僧道士與宦官親厚者

二十餘人並送京兆杖殺 上謂韓偓曰崔胤雖盡忠

然比卿頗用機數對曰凡為天下者萬國皆屬之耳目

屬之安可以機數欺之莫若推誠直致雖日計之不足

而歲計之有餘也 用莊子語 丙子工部侍郎同平章事蘇

檢吏部侍郎盧光啓並賜自盡

蘓檢盧光啓皆鳳翔所命相崔胤惡其黨附韓

全誨李茂貞故殺之 考異曰實錄檢光啓並賜自盡

一說檢長流環州唐太祖紀年錄初從幸鳳翔命盧光

啓韋貽範為相又命蘓檢平章事及車駕還宮胤積前

事怒之不一月皆貶謫之左遷陸扆沂王傅王溥太子

賓客蘓檢自盡續實錄二月五日應是岐王駕前宰

臣盧光啓等一百餘人並賜自盡新紀朱全忠殺蘓檢

盧光啓舊脩傳昭宗初幸鳳翔命盧光啓韋貽範蘇檢等作相及還京脩皆貶斥之新光啓傳云檢長流環州光啓賜死與寶運錄注同

檢流環州不見本出何書

戊寅賜朱全忠號回天再

造竭忠守正功臣賜其僚佐敬翔等號迎鑾協贊功臣

諸將朱友寧等號迎鑾果毅功臣都頭以下號四鎮靜

難功臣

難乃旦翻

上議褒崇全忠欲以皇子為諸道兵馬

元帥以全忠副之崔胤請以輝王祚為之上曰濮王長

帥所類翻濮博本翻長知兩翻

胤承全忠密旨利祚冲幼固請之已卯

以祚為諸道兵馬元帥

考異曰金鑾記上曰朕以濮王處長云云新傳帝十七子德

王裕 棣王 綽度王 禊沂王 禪遂王 禕景王 祕輝王 祚祁  
王 祺雅王 禊瓊王 祥端王 禎豐王 祁和王 福登王 禧嘉  
王 祐穎王 禕蔡王 祐何皇后 生裕及祚 餘皆失其母之  
氏 位舊傳云 昭宗十子 無端王 禎以下 七人 按新舊傳  
昭宗諸子 皆無濮王 孫光憲 績通 歷濮王 名 紉 昭宗之  
子 母曰 太后 王氏 哀帝 被殺 朱全忠 冊 紉 為 天子 改元  
天壽 明年 禪位 於 梁 此乃 光憲 傳聞 謬誤 也 昭宗  
亦無 王皇后 金鑾記 所云 濮王 蓋 德王 改封 耳 庚辰

加全忠守太尉充副元帥進爵梁王以盾為司徒兼侍

中盾恃全忠之勢專權自恣天子動靜皆稟之

稟筆  
錦翻

朝

臣從上幸鳳翔者凡貶逐三十餘人

黨附宦官者可罪  
扈從天子者何罪

邪朝直  
逢翻

刑賞繫其愛憎

愛者賞之  
憎者刑之

中外畏之重足一迹

重直龍翻史言崔盾怙權不知死期將至以敬翔守太府卿朱友寧領寧遠

節度使

寧遠軍容州時為龐巨昭所據五季以來有名號節度使此類是也

全忠表符道

昭同平章事充天雄節度使遣兵援送之秦州

之往也

不

得至而還

岐兵塞道故不得至還從宣翻又如字

初翰林學士承旨韓

偓之登進士第也御史大夫趙崇知貢舉上返自鳳翔

欲用偓為相偓薦崇及兵部侍郎王贊自代上欲從之

崔盾惡其分已權

惡烏路翻

使朱全忠入爭之全忠見上曰

見賢通翻

趙崇輕薄之魁王贊無才用韓偓何得妄薦為相

上見全忠怒甚不得已癸未貶偃濮州司馬上密與偃

泣別偃曰是人非復前來之比

謂朱全忠也

臣得遠貶及死

乃幸耳不忍見篡弑之辱

嗚呼韓偃何見之晚也然昭宗開偃此言亦何以為懷哉

惟有縱酒而已

己丑上令朱全忠與李茂貞書取平原公主

茂貞不敢違遽歸之

平原公主嫁茂貞子宋侃見上卷上年

壬辰以朱

友裕為鎮國節度使

考異曰實錄壬辰以興德府復為華州賜名感化軍以友裕為節

度使按編遺錄天祐三年閏十二月乙丑敕鎮國之號興德之名並宜停薛居正五代史地理志華州梁為感

化軍梁功臣傳天復三年友裕權知鎮國軍留後今從實錄

乙未全忠奏留步騎



萬人於故兩軍

時神策兩軍已散而營署尚存

以朱友倫為左軍宿衛

都指揮使又以汴將張延範為宮苑使王殷為皇城使

蔣玄暉充街使於是全忠之黨布列徧於禁衛及京輔

唐北門禁衛之兵皆屯於宮苑百司庶府及南衙諸衛皆分居皇城之內百官私第及坊市居人皆分居朱雀

街之左右街令全忠悉以腹心為使則京輔之權一歸之矣去虺得虎昭宗之謂也戊戌全忠辭

歸鎮

辭歸大梁

留宴壽春殿又餞之於延喜樓上臨軒泣別

令於樓前上馬

示寵異之也前上時掌翻

上又賜全忠詩全忠亦和

進

和胡臥翻

又進楊柳枝辭五首

楊柳枝辭即今之全曲也今之曲如清平調水調歌

柘枝菩薩蠻八聲甘州皆唐季之餘聲又唐人多賦楊柳枝皆是七言四絕相傳以為出於開元梨園樂章故

張祐有折楊柳詞云莫折宮前楊柳枝玄宗曾向笛中吹百官班辭於長樂驛崔脣

獨送至霸橋

以唐制驛程考之霸橋驛當在長樂驛東三十里

自置餞席夜二

鼓脣始還入城上復召對復扶問以全忠安否置酒奏

樂至四鼓乃罷

史言帝微召不時宴飲無節

以清海節度使裴樞

為門下侍郎同平章事

裴樞以朱全忠之薦而相以忤朱全忠之意而死白馬之

禍皆自取之也

李克用使者還晉陽言崔脣之橫橫戶克用

曰脣為人臣外倚賊勢內脅其君既執朝政又握兵權

權重則怨多勢倖則釁生破家亡國在眼中矣

史言李克用有

識朝直  
逆翻

朱全忠將行奏克用於臣本無大嫌乞厚加

寵澤遣大臣撫慰俾知臣意進奏吏以白克用

河東進  
秦吏也

克用笑曰賊欲有事淄青畏吾犄其後耳

有事淄青謂  
攻王師範史

言朱全忠狡諂李克用  
已逆知其情將居蟻翻

三月戊午朱全忠至大梁王

師範弟師魯圍齊州

朱全忠并兗鄆遂兼有齊州九域  
志兗州北至齊州三百六十里

朱友寧引兵擊走之師範遣兵益劉鄩軍友寧擊取之

由是兗州援絕葛從周引兵圍之

劉鄩取兗州見  
上卷本年正月

友寧

進攻青州戊辰全忠引四鎮及魏博兵十萬繼之淮

南將李神福圍鄂州

是年正月楊行密遣李神福攻杜洪事始上卷

望城中積

荻謂監軍尹建峯曰今夕為公焚之

偽翻為于

建峯未之信

時杜洪求救于朱全忠神福遣部將秦臯乘輕舟至瀟

口

瀟口在武口之上對岸即夏浦瀟書涉翻

舉火炬於樹杪

杪彈沼翻

洪以為救

兵至果焚荻以應之

夏四月己卯以朱全忠判元帥

府事

輝王冲幼以朱全忠判元帥府事則天下兵權盡歸之矣

知温州事丁章為

木工李彥所殺

丁章得温州見上卷二年未

其將張惠

據温州

王師範求救於淮南乙未楊行密遣其將王

茂章以步騎七千救之又遣別將將兵數萬攻宿州全

忠遣其將康懷英救宿州淮南兵遁去

康懷英當作懷貞是時未改名

也

楊行密遣使詣馬殷言朱全忠跋扈請殷絕之約

為兄弟湖南大將許德勲曰全忠雖無道然挾天子以

令諸侯明公素奉王室不可輕絕也

言絕全忠則道路梗塞併絕朝廷貢

奉殷從之

馬殷附汴之心自此堅矣

杜洪求救於朱全忠全忠遣

其將韓勅將萬人屯灊口

勅渠京鞠

遣使語荆南節度使成

汭武安節度使馬殷武貞節度使雷彥威

語牛倨翻曰語者無朝廷

詔敕以意諭之

令出兵救汭畏全忠之彊且欲侵江淮之地

以自廣發舟師十萬沿江東下汭作巨艦三年而成

戶艦

黠翻

制度如府署謂之和舟載

署廨舍也言其舟長闊和荆州皆載其上舟當作州

其餘謂之齊山截海劈浪之類甚衆

齊山言其高也截海言其長也劈浪

言其輕疾也劈匹歷翻

掌書記李珽諫曰

珽它鼎翻

今每艦載甲士千

人稻米倍之緩急不可動也吳兵剽輕

剽匹妙翻輕若定翻

難與

角逐武陵長沙皆吾讐也

武陵謂雷彥威長沙謂馬殷

豈得不為反

顧之慮乎不若遣驍將屯巴陵

九域志巴陵東北至鄂州三百五十里

大

軍與之對岸堅壁勿戰不過一月吳兵食盡自遁鄂圍

解矣

楊行密時封吳王故謂其兵為吳兵

汭不聽珽愷之五世孫也

李愷天寶

之末死於安祿山之難珽後歸中原仕於梁

王建出兵攻秦隴乘李茂貞

之弱也遣判官韋莊入貢亦修好於朱全忠

好呼到翻

全忠

遣押牙王殷報聘建與之宴殷言蜀甲兵誠多但乏馬

耳建作色曰當道江山險阻騎兵無所施然馬亦不乏

押牙少留當共閱之乃集諸州馬大閱於星宿山官馬

八千私馬四千部隊甚整殷歎服

王建以多馬銜王殷殷遠歎服非善覘者

也宿建本騎將

王建從楊復光起許州及扈從昭宗皆為騎將

故得蜀之後於

文黎維茂州市胡馬十年之間遂及茲數

史言蜀中互市可以得西

蕃之馬然王建取興元而得騎五千則東西川之馬亦必多此一萬二千之數蓋集成都近州耳

五

月丁未李克用遣雲州都將王敬暉殺刺史劉再立叛降

劉仁恭克用遣李嗣昭李存審將兵討之

李存審即符存審降戶江

翻仁恭遣將以兵五萬救敬暉嗣昭退保樂安

畏燕兵之彊也

敬暉舉衆弃城而去

乘嗣昭之退弃城而走

先是振武將契苾讓



先悉薦翻  
契敗訖翻

逐戍將石善友據城叛嗣昭等進攻之讓自

燔死復取振武城殺吐谷渾叛者二千餘人

吐谷渾自  
赫連鐸與

克用作敵鐸雖敗死其部  
落終未肯心服故屢叛

克用怒嗣昭存審失王敬暉

皆杖之削其官

滿朱榮以失万俟道落而  
杖爾朱天光事亦如此

成汭行未

至鄂州馬殷遣大將許德勲將舟師萬餘人雷彥威遣

其將歐陽思將舟師三千餘人會於荊江口

大江自蜀  
東流入荆

州界謂之荊江荊江口即洞庭之水與大江之水會處

乘虛襲江陵庾戍陷之盡

掠其人及貨財而去將士亡其家皆無鬬志

此言戍汭  
之將士也

李神福聞其將至自乘輕舟前覘之

覘丑廉翻又丑艷翻

謂諸將

曰彼戰艦雖多而不相屬易制也

屬之欲翻易以致翻

當急擊之

壬子神福遣其將秦裴楊戎將衆數千逆擊汭於君山

君山在洞庭湖中方六十里亦名洞庭之山

大破之因

巴陵志曰湘君所遊故曰君山將即亮翻

風縱火焚其艦士卒皆潰汭赴水死

僖宗文德元年成汭襲據荆南至是

敗亡

考異曰新紀彥威之弟彥恭陷江陵今從編遺

錄舊紀及薛居正五代史十國紀年皆云汭未至鄂渚

江陵已陷將士亡其家皆無鬪志按新紀十國紀年皆

云壬子汭敗死壬子此月十二日也而編遺錄云二十

二日陷江陵今不取北夢瑣

獲其戰艦二百艘

艘蘇遭翻

韓

言云天祐中汭死尤誤也

初聞之亦引兵去許德勲還過岳州刺史鄧進忠開門

具牛酒犒軍德勲諭以禍福進忠遂舉族遷于長沙

信宗

光啟二年鄧進忠取岳州傳弟進忠至是而亡

考異

曰馬氏行年記天復三年自荆南振旅還遂入岳州降

刺史鄧進忠九國志楚世家天祐二年七月岳州刺史

鄧進忠帥其衆來降許德勲傳云天祐二年領兵畧地

荆南還經岳州刺史鄧進忠以城歸附新紀全用九國

志年月湖湘故事言開平中收荆南回進忠以城降又

載何致雍天策寺碑銘云乃克桂林乃襲荆渚彼岳之

陽旋師而取天祐二年十月朱全忠謀討襄州趙匡凝

九月克襄州始命楊師厚攻荆南然則七月許德勲何

繇畧地荆南蓋九國志之誤天復三年成汭敗死德勲

及雷彥威襲江陵還取岳州與何馬殷以德勲為岳州

致雍碑意畧同故以行年紀為据

刺史以進忠為衡州刺史雷彥威狡獪殘忍有父風

猶古

外翻雷彥威父滿

常泛舟焚掠鄰境荆鄂之間殆至無人 李

茂貞畏朱全忠自以官為尚書令在全忠上

朱全忠守中書令茂

貞為尚書令官在其上

累表乞解去詔復以茂貞為中書令 崔

盾奏左右龍武羽林神策等軍

此崔盾所判六軍也

名存實亡侍

衛單寡請每軍募步兵四將每將二百五十人騎兵一

將百人合六千六百人

六軍各軍步兵千人騎兵百人合六千六百人

選其壯

健者分番侍衛從之令六軍諸衛副使京兆尹鄭元規

立格召募於市

朱全忠自此疑崔胤而有圖之之心

朱全忠表潁州刺

史朱友恭為武寧節度使 朱友寧攻博昌

博昌漢縣唐屬青州

十三州志云昌水其勢平故曰博昌後唐避廟諱改曰博興九域志博興在青州西北一百二十里管下有博

昌月餘不拔朱全忠怒遣客將劉捍往督之

今開府州軍皆有客

將主贊導賓客蓋古之舍人中涓漢之鈴下威儀之職唐末藩鎮置客將往往升轉至大官位望不輕捍

至友寧驅民丁十餘萬負木石牽牛驢詣城南築土山

既成并人畜木石排而築之冤號聲聞數十里俄而城

陷盡屠之

爭城而戰殺人盈城朱友寧之隕身喪元未足以謝冤魂也號戶刀翻聞音問 考異曰

唐太祖紀年錄師範之舉兵也朱溫令朱友寧討之三月已酉朱溫至汴州大舉魏博四鎮之衆十萬擊師範朱友寧楊師厚攻博興旬餘不下攻城之衆死者大半俄而朱溫至大怒斬其主將復起土山翌日而拔城中無少長皆屠之仍毀其垣四月進陷臨淄傅青州別將攻北海波膠水寇登萊等郡實錄據此而置於四月梁太祖實錄四月丙子上至鄆領事辛卯從子友寧師師破青州之博昌臨淄二邑殺戮五千餘衆暨北海焉編遺錄五月辛亥却離歷下宿豐齊驛甲寅上到汶陽乙卯奏王師範逆狀己未上天往歷下壬戌上以兵士攻取博昌寨下少樹木時當炎毒却勒親從騎兵皆歸齊州因又前行夜將半客將劉捍謀曰捍請馳赴軍前傳諭上意敦將士令戮力速攻必可尅也今請上却歸歷下上悅而從之便令捍馳騎東往上乃西歸汶陽丙寅捷音至攻拔博昌盡戮其黨矣據此進拔臨淄臨淄漢古縣久則破博昌在五月今從朱友寧傳

廢隋復置於古齊國城唐屬青州九域志在州西北四十里

抵青州城下遣別將攻

登萊淮南將王茂章會王師範弟萊州刺史師誨攻密

州拔之斬其刺史劉康乂

九域志萊州南至密州三百里東北至登州二百四十里

劉康乂朱全

忠所用也

以淮海都遊奕使張訓為刺史

楊行密據有淮南西

盡淮源東暨于海邊而延袤數千里故置都遊奕使以謹防遏也

六月乙亥汴兵拔登

州師範帥登萊兵拒朱友寧於石樓為兩柵

據舊書石樓近臨淄

丙子夜友寧擊登州柵柵中告急師範趣茂章出戰

趣讀

促曰茂章按兵不動友寧破登州柵進攻萊州柵比明茂

章度其兵力已疲

比必利翻及也  
度徒洛翻下同

乃與師範合兵出戰

大破之友寧旁自峻阜馳騎赴敵馬仆青州將張土梟

斬之

梟堅  
亮翻

傳首淮南兩鎮兵遂北至米河

王師範以平  
盧之兵王茂

章以淮南之兵

是兩鎮兵也

俘斬萬計魏博之兵殆盡全忠聞友寧

死自將兵二十萬晝夜兼行赴之秋七月壬子至臨朐

臨朐漢縣唐屬青州九域

志曰在州東南四十里

命諸將攻青州王師範出戰

汴兵大破之王茂章閉壘示怯伺汴兵稍懈

伺相吏翻  
懈古隘翻

毀柵而出驅馳疾戰戰酣退坐召諸將飲酒已而復戰



全忠登高望見之問降者

降戶江翻

知為茂章歎曰使吾得

此人為將天下不足平也

朱全忠見王茂章臨敵整暇故欲得之然茂章後歸梁攻

淮南攻鎮并皆折北而不振人固未易知也

至晡汴兵乃退茂章度衆寡不

敵

度徒洛翻

是夕引軍還全忠遣曹州刺史楊師厚追之及

於輔唐

輔唐漢安丘縣乾元二年移治古昌安城因改曰輔唐屬密州九域志在州西北一百二十里

薛史地理志曰密州輔唐縣梁開平二年改為安丘唐同光元年復舊名晉天福七年改為膠西避廟諱也宋

復曰茂章命先鋒指揮使李虔裕將五百騎為殿

殿丁練翻

下虔裕殊死戰師厚擒而殺之

李虔裕以死全王茂章之軍其勇難能也楊師

原自此受知師厚潁州人也張訓聞茂章去謂諸將曰  
於朱全忠矣

汴人將至何以禦之諸將請焚城大掠而歸訓曰不可

封府庫植旗幟於城上遣羸弱居前

植直吏翻幟昌至翻羸倫為翻

自

以精兵殿其後而去全忠遣左踏白指揮使王檀攻密

州

凡軍行前軍之前有踏白隊所以踏伏候望敵之遠近衆寡

既至望旗幟數日乃

敢入城

疑其有伏故遲遲不敢進

見府庫城邑皆完遂不復追

復扶又翻

訓全軍而還

史言楊行密所以能保有江淮一時諸將皆能盡其智力

全忠以檀為

密州刺史

丁卯以山南西道留後王宗賀為節度使

王建之請也

睦州刺史陳詢叛錢鏐舉兵攻蘭溪

咸亨五年分發

州之金華西界置蘭溪縣因溪水為名九域志在州西北五十五里

鏐遣指揮使方永珍

擊之武安都指揮使杜建徽與詢連姻鏐疑之建徽不

言會詢親吏來奔得建徽與詢書皆勸戒之辭鏐乃悅

建徽從兄建思譖建徽私蓄兵仗謀作亂鏐使人索之

從才用翻索山客翻

建徽方食使者直入卧内

使疏吏翻

建徽不顧鏐

以是益親重之八月戊辰朔朱全忠留齊州刺史楊

師厚攻青州身歸大梁

朱全忠以朱友寧之死興忿兵以攻青州豈不欲一鼓而屠之

乃置之而歸汴者知青州城堅而王師範兵力尚彊未易以旦夕取故使楊師厚圍守之

庚辰加

西川節度使西平王王建守司徒進爵蜀王

自郡王進國王

前渝州刺史王宗本

王宗本前此刺渝州亦王建命之也罷官歸成都故稱前

言於

王建請出兵取荆南建從之以宗本為開道都指揮使

將兵下峽

峽三峽也

初寧國節度使田頔破馮弘鐸

事見上卷

二詣廣陵謝揚行密因求池歙為巡屬

唐置宣歙池觀察使二州本宣

州巡屬故田頔因有功而求之

行密不許

與之則田頔愈彊故不許

行密左右下及

獄吏皆求賂於頔

以其破馮弘鐸多得寶貨也

頔怒曰吏知吾將下

獄邪

下戶嫁翻

及還指廣陵南門曰吾不可復入此矣

復扶又翻

出同

下復 顧兵彊財富好攻取

好呼到翻

行密既定淮南欲保境

息民每抑止之顧不從及解釋錢鏐

事見上卷二年

顧尤恨之

陰有叛志李神福言於行密曰顧必反宜早圖之行密

曰顧有大功

田顧從楊行密起廬州破趙鎰孫儒馮弘鐸皆有大功

反狀未露今

殺之諸將人人自危矣顧有良將曰康儒與顧謀議多

不合行密知之擢儒為廬州刺史

擢儒所以問顧也

顧以儒為

貳於己族之儒曰吾死田公亡無日矣顧遂與潤州團

練使安仁義同舉兵

考異曰十國紀年朱全忠聞田頌等叛矯制削奪王官爵命頌及

杜洪鍾傳錢鏐充四面招討使布制書於境上王知其詐妄按新舊紀實錄梁太祖紀皆無削奪行密官爵命

杜洪等為招討使事今不取

仁義悉焚東塘戰艦

東塘即揚州東塘淮南之戰艦聚焉

對岸即潤州界故仁義得焚之艦戶黯翻

頌遣二使詐為商人詣壽州約奉

國節度使朱延壽

朝廷命朱延壽領奉國節度使見上卷二年使疏吏翻

行密將

尚公迺遇之曰非商人也殺一人得其書以告行密

尚公

迺歸行密見上卷二年

行密召李神福於鄂州神福恐杜洪邀之

宣言奉命攻荆南勒兵具舟楫及暮遂沿江東下始告

將士以討田頔已丑安仁義襲常州

九域志潤州東南至常州一百七十

一常州刺史李遇逆戰極口罵仁義仁義曰彼敢辱我

必有備乃引去壬辰行密以王茂章為潤州行營招討

使擊仁義不克使徐溫將兵會之溫易其衣服旗幟皆

如茂章兵仁義不知益兵復出戰

復扶又翻

溫奮擊破之

李存

審救河中擒梁駢兵亦用此術

行密夫人朱延壽之姊也行密狎侮延

壽延壽怨怒陰與田頔通謀

書旅焚曰德威不狎侮狎侮君子罔以盡其心狎侮

小人罔以盡其力楊行密狎侮朱延壽幾至於亡國喪家蓋危而後濟耳可不成哉頔遣前進士

杜荀鶴至壽州與延壽相結又遣至大梁告朱全忠全

忠大喜遣兵屯宿州以應之

朱全忠喜楊行密有隙之可乘而不能舉大兵以擠

其後者內有淄青未服而西又有鳳翔北又有太原恐其乘間動搖朝廷也

荀鶴池州人也

楊師厚屯臨朐聲言將之密州留輜重於臨朐

九域志臨

朐縣在青州東南四十里又二百六十里至密州朐音劬重直用翻

九月癸卯王師範出

兵攻臨朐師厚伏兵奮擊大破之殺萬餘人獲師範弟

師克明日萊州兵五千救青州師厚邀擊之殺獲殆盡

遂徙寨抵其城下

考異曰梁太祖實錄九月癸卯楊師厚勵衆決關青人大敗北走殺戮



一萬人擒師範弟師克翌日東萊郡遣州兵泊土圍五千  
人將援青壘我師邀截翦撲無一二存焉即時徙寨  
逼其圍閭唐實錄畧與此同編遺錄冬十月丁卯楊師  
厚繼告捷於臨朐北及青州四面累殺賊黨擒斬頗衆  
至十一月萊州刺史王師克領六千人欲徑入青丘助  
其守禦師厚伏兵邀之殺戮將盡下又有丁亥上誕辰  
聞朱友倫死誕辰乃十月二十一日友倫死亦十月  
中事也下又別有十一月疑上文十一月是十一日字或  
七日字又曰一日師範請降疑脫二十  
字二十一日即戊午也今從梁實錄

朱延壽謀頗

泄

朱延壽與田頌通謀久而頗露

楊行密詐為目疾對延壽使者多錯

亂所見或觸柱仆地

見甲以為乙見犬以為貓是錯亂所見也柱至易見者而行觸之皆

詐為失明以愚人

謂夫人曰吾不幸失明諸子皆幼軍府事當

悉以授三舅夫人屢以書報延壽

夫人即延壽姊也延壽第三

行密

又自遣召之陰令徐溫為之備延壽至廣陵行密迎及

寢門執而殺之

按尚公迺執田頌二使田頌繼遣杜荀鶴至壽州朱延壽亦必知前二使之見

執矣楊行密召之了不自疑至于送死

部兵驚擾徐溫

諭之皆聽命

徐溫從楊行密起廬州與劉威陶雅之徒號三十六英雄是必有以服朱延壽部兵

之心矣故諭之皆聽命

遂斬延壽兄弟黜朱夫人初延壽赴召其

妻王氏謂曰君此行吉凶未可知願日發一使以安我

一日使不至王氏曰事可知矣部分僮僕

使疏吏翻下同分扶問翻

授兵闔門捕騎至乃集家人聚寶貨發百燎焚府舍曰

妾誓不以皎然之軀為讐人所辱赴火而死

史言朱延壽妻有智

識而能守節

延壽用法嚴好以寡擊衆

好呼到翻

嘗遣二百人與

汴兵戰有一人應留者請行延壽以違命立斬之田

頽襲昇州得李神福妻子善遇之

天復二年田頽克昇州楊行密以李神福

為昇州刺史時行密遣神福攻鄂故顯乘虛襲之九域志宣州北至昇州三百六十里

神福自鄂

州東下頽遣使謂之曰公見機與公分地而王不然妻

子無遺神福曰吾以卒伍事吳王

楊行密封吳王故稱之

今為上

將義不以妻子易其志願有老母不顧而反三綱且不

知

或疑行密留田頔之母於廣陵詳考本末田頔母殷自從頔在宣州李神福蓋言頔有母在不當輕為舉

措稱兵而敗則禍必及母也三綱者謂君為臣綱父為子綱夫為妻綱

烏足與言乎斬使

者而進士卒皆感勵頔遣其將王壇汪建將水軍逆戰

光化二年田頔將康儒取婺州王壇歸之

丁未神福至吉陽磯與壇建遇壇

建執其子承鼎示之神福命左右射之

射而亦翻

神福謂諸

將曰彼衆我寡當以奇取勝及暮合戰神福佯敗引舟

汭流而上

逆流曰汭汭蘇故翻上時掌翻

壇建追之神福復還順流擊

之壇建樓船大列火炬神福令軍中曰望火炬輒擊之  
望壇建所在而擊之船列火炬不能以自照見而  
敵人望之洞見表裏聚而攻之安有不敗者乎 壇建

軍皆滅火旗幟交雜神福因風縱火焚其艦壇建大敗

李神福之陽敗也必逆風而戰故引舟順風沂流而上  
其縱火焚壇建之艦也必因風轉乘風水之勢以破之

居然可知也

士卒焚溺死者甚衆戊申又戰于皖口

舒州懷寧縣有

皖口鎮當皖水入江之口皖何板翻

壇建僅以身免獲徐綰行密以檻車

載之遺錢鏐鏐剖其心以祭高渭

徐綰殺高渭事見上卷二年遺唯季翻

顧聞壇建敗自將水軍逆戰神福曰賊弃城而來此天

亡也臨江堅壁不戰遣使告行密請發步兵斷其歸路

斷音短

行密遣連水制置使臺濠將兵應之王茂章攻潤

州久未下行密命茂章引兵會濠擊顯

安仁義雖善戰而兵弱自守虜

耳田顯兵勢方挫故命合兵擊之

辛亥汴將劉重霸拔棣州執刺史

邵播殺之

全忠滅朱瑄已得棣州邵播又以州叛附王師範重直龍翻

甲寅朱全

忠如洛陽遇疾復還大梁

考異曰梁實錄云壬戌唐實錄云十月丁卯朔今從編

遺錄

戊午王師範遣副使李嗣業及弟師悅請降於楊

師厚曰師範非敢背德

降戶江翻下同背蒲妹翻

韓全誨李茂貞以

朱書御札使之舉兵師範不敢違仍請以其弟師魯為

質

質音致

時朱全忠聞李茂貞楊崇本將起兵逼京畿

邠岐

連兵其事詳見後岐本亦京畿李茂貞據之遂為疆藩今所謂京畿特京兆府之京縣畿縣耳

恐其復

劫天子西去

復扶又翻

欲迎車駕都洛陽乃受師範降

考異曰

舊紀及薛居正五代史劉鄩傳皆云十一月師範降編遺錄曰十一月敗萊州刺史王師克一日師範差人捧

款檄至軍前請舉城歸降按梁太祖實錄薛史梁紀唐實錄皆云九月戊午今從之

選諸將使守

登萊淄棣等州即以師範權淄青留後

史言朱全忠本欲殺王師範而

力有所未及為後

師範仍言先遣行軍司馬劉鄩將兵

屠師範一家張本

五千據兗州

事始見上  
卷本年

非其自專願釋其罪亦遣使語

鄒

語牛  
俗翻

田頤聞臺濛將至自將步騎逆戰留其將郭

行棕以精兵二萬及王壇汪建水軍屯蕪湖

棕祖宗翻  
蕪湖漢古

縣晉氏南渡以上黨襄垣遺民僑立郡縣於蕪湖江左  
遂為襄垣縣隋廢襄垣入當塗至唐蕪湖之地入當塗  
太平二縣界唐末始復置蕪湖縣屬宣州今  
屬太平州九域志在太平州西南六十五里以拒李神

福覘者言濛營寨徧小纔容二千人願易之

覘昌占翻  
又丑艷翻

徧補典翻  
易以政翻

不召外兵濛入頤境番陳而進

番陳者分兵  
為數部更番

列陳整兵而後進以備  
倉猝薄戰陳讀曰陣

軍中笑其怯濛曰頤宿將多謀



不可不備

將即亮翻

冬十月戊辰與顧遇於廣德

九域志廣德西至宣

州一百八十里宋白曰廣德縣秦鄆郡地漢為故鄆縣

濛先以楊行密書徧賜顧

將皆下馬拜受濛因其挫伏

挫伏者言其將士之氣摧挫而厭伏也

縱兵

擊之顧兵遂敗又戰于黃池兵交濛偽走顧追之遇伏

大敗奔還宣州城守濛引兵圍之顧亟召蕪湖兵還不

得入郭行棕王壇汪建及當塗廣德諸戍皆帥其衆降

帥讀曰率行密以臺濛已破田頔命王茂章復引兵攻潤州

知臺濛兵力足以制田頔故命王茂章復攻安仁義復扶又翻

初蕪州刺史侯矩從

成汭救鄂州汭死矩奔還

成汭死見上四月

會王宗本兵至矩

以州降之宗本遂定夔忠萬施四州

夔忠萬荆南巡屬施黔中巡屬

王

建復以矩為夔州刺史更其姓名曰王宗矩

更工衡翻

宗矩

易州人也蜀之議者以瞿唐蜀之險要

瞿唐峽在夔州東一里舊名西

陵峽乃三峽之門兩崖對峙中貫一江望之如門

乃奔歸峽屯軍夔州

荆南自此止領

荆歸峽三州

建以宗本為武泰留後武泰軍舊治黔州宗本

以其地多瘴癘請徙治涪州建許之

史言王建全據峽江之險九域志自

黔州西北至涪州一百八十二里黔其令翻又其災翻瘴之亮翻涪音浮

葛從周急攻究

州劉鄩使從周母乘板輿登城謂從周曰劉將軍事我

不異於汝新婦輩皆安居人各為其主汝可察之從周

歛歛而退攻城為之緩

新婦謂葛從周妻也為于偽翻歛音虛歛音希又許既翻劉鄩

用兵十步九計自得兗州先定此策以伐葛從周之心

鄩悉簡婦人及民之老疾

不足當敵者出之獨與少壯者

少詩照翻

同辛苦分衣食堅

守以扞敵號令整肅兵不為暴民皆安堵久之外援既

絕節度副使王彥溫踰城出降城上卒多從之不可遏

鄩遣人從容語彥溫曰

從于容翻語牛倨翻

軍士非素遣者勿多

與之俱又遣人徇於城上曰軍士非素遣從副使而敢

擅往者族之士卒皆惶惑不敢出敵人果疑彥溫斬之

城下由是衆心益固及王師範力屈

謂屢為汴兵所敗也

從周以

禍福諭之鄆曰受王公命守此城一旦見王公失勢不

俟其命而降非所以事上也及師範使者至

王師範所遣語鄆使

降者丁丑始出降

考異曰梁實錄四年正月辛丑劉鄆自兗州來降舊紀十一月鄆以兗

州降實錄十一月鄆降薛居正五代史梁紀十一月丁

酉鄆降鄆傳曰天復三年十一月師範告降且言先差

鄆領兵入兗州請釋其罪亦以告鄆鄆即出城聽命新

紀十一月丁丑劉鄆以兗州叛附于朱全忠按青兗相

距不遠師範之降亦以告鄆豈有自戊午至丁酉四十日師範使者始至兗州鄆十月丁丑日差近今從新紀

從周為具齋裝送鄆詣大梁鄆曰降將未受梁王寬釋

之命安敢乘馬衣裘乎

為于偽翻衣于既翻

乃素服乘驢至大梁

素服囚服也渠帥俘虜載以驢

全忠賜之冠帶辭請囚服入見不許全

忠慰勞飲之酒辭以量小

勞力到翻飲于禁翻量音亮飲酒之多少各有量

全

忠曰取兗州量何大邪以為元從都押牙

從才用翻

是時四

鎮將吏皆功臣舊人

朱全忠迎車駕于鳳翔諸將皆賜迎鑾果毅功臣舊人與全忠出入

于行間最久者

鄆一旦以降將居其上諸將具軍禮拜於廷鄆

坐受自如全忠益奇之

劉鄩自降將擢為四鎮牙前右職而居之若固有之自知其才

之足以當之也全忠以此益奇之

未幾表為保大留後

幾居豈翻保大軍鄜州以捍李

茂貞葛從周久病全忠以康懷英為泰寧節度使之

懷英

當作懷貞

宿衛都指揮使朱友倫與客擊毬於左軍墜馬

而卒

考異曰編遺錄丁亥趙廷隱自長安馳來告今月十四日朱友倫墜馬而卒十四日則庚辰也後

唐紀年錄薛居正五代史及昭宗實錄皆云辛巳令從之

全忠悲怒疑崔胤故為之

有為為之謂之故

凡與同戲者十餘人盡殺之遣其兄子友諒

代典宿衛

山南東道節度使趙匡凝遣兵襲荆南朗

人弃城走

朗人雷彥威之兵成汭既死荆南無帥朗人遂守之

匡凝表其弟匡明

為荆南留後時天子微弱諸道貢賦多不上供惟匡明

兄弟委輸不絕

唐二稅有上供以輸京師供居用翻輸春遇翻

楊行密求兵

於錢鏐鏐遣方永珍屯潤州從弟鎰屯宣州

屯潤州以助攻安仁

義屯宣州以助攻田頔從才用翻鎰弋質翻

又遣指揮使楊習攻睦州

陳詢時據

睦州背錢鏐而睦于田頔

鳳翔邠州屢出兵近京畿

鳳翔李茂貞邠李繼徽近

其新翻

朱全忠疑其復有劫遷之謀

復扶又翻

十一月發騎兵

屯河中十一月乙亥田頔帥死士數百出戰

帥讀曰率臺

濛陽退以示弱顧兵踰濛而鬪濛急擊之顧不勝還走

城

走音泰

橋陷墜馬斬之其衆猶戰以顧首示之乃潰濛

遂克宣州

景福元年田頌鎮宣州至是而亡

初行密與顧同閤里少相

善約為兄弟

少詩照翻

及顧首至廣陵行密視之泣下赦其

母殷氏行密與諸子皆以子孫禮事之

行密以通家諸子禮事殷氏其

子以諸孫禮事之史言行密雖以法裁部曲而有恩於故舊

行密以李神福為寧國

節度使

欲以代田頌

神福以杜洪未平固讓不拜宣州長史

駱知祥善治金穀

治直之翻

觀察牙推沈文昌為文精敏嘗



為顧草檄罵行密

嘗為于偽翻

行密以知祥為淮南支計官

支計官蓋唐世節度支度判官

之屬唐末藩鎮變其名稱耳

以文昌為節度牙推唐

制

節度觀察牙推在巡官之下幕府右職也

文昌湖州人也初顧每戰不勝輒

欲殺錢傳瓘其母及宣州都虞候郭師從常保護之師

從合肥人顧之婦弟也顧敗傳瓘歸杭州

錢傳瓘質于田顧見上卷

上錢鏐以師從為鎮東都虞候辛巳以禮部尚書獨

孤損為兵部侍郎同平章事損及之從曾孫也

獨孤及見二百

二十三卷代宗永泰元年從才用翻

中書侍郎兼戶部尚書同平章事裴

贊罷為左僕射 左僕射致仕張濬居長水王師範之

舉兵濬豫其謀

事見上卷上年

朱全忠將謀篡奪恐濬扇動藩

鎮諷張全義使圖之丙申全義遣牙將楊麟將兵詐為

劫盜圍其墅而殺之

張濬之死夷考本末過于白馬朝士遠矣墅承與翻

永寧縣

吏葉彥素為濬所厚知麟將至密告濬子格曰相公禍

不可免郎君宜自為謀濬謂格曰汝留則俱死去則遺

種

種章勇翻

格哭拜而去葉彥帥義士三十人送之渡漢而

還

帥讀曰率還從宣翻又如字

格遂自荆南入蜀

張格入蜀而亡王氏者格也

盧龍節度使劉仁恭習知契丹情偽常選將練兵乘秋

深入踰摘星嶺擊之契丹畏之每霜降仁恭輒遣人焚

塞下野草契丹馬多飢死常以良馬賂仁恭買牧地

北荒

寒早至秋草先枯死近塞差暖霜降草猶未盡衰故契丹南並塞放牧焚其野草則馬無所食而飢死契敗絕

翻契丹王阿保機遣其妻兄阿鉢將萬騎寇渝關

契丹阿保

機始此宋白曰平州東北至榆關守捉一百九十里渝漢書音義音喻今讀如榆

仁恭遣其子

守光戍平州守光偽與之和設幄犒饗於城外

犒苦到翻酒

酣伏兵執之以入虜衆大哭契丹以重賂請於仁恭然

後歸之

考異曰薛居正五代史及莊宗列傳皆云光啓中守光禽舍利王子其王欽德以重賂贖之

按是時仁恭猶未得幽州也今從薛史蕭翰傳及王皞唐餘錄

初崔胤假朱全忠兵

力以誅宦官

事始二百六十二卷天復元年終上卷三年

全忠既破李茂貞

併吞關中威震天下遂有篡奪之志胤懼與全忠外雖親厚私心漸異乃謂全忠曰長安密邇茂貞不可不為守禦之備六軍十二衛但有空名請召募以實之使公無西顧之憂全忠知其意曲從之陰使麾下壯士應募以察其變胤不之知與鄭元規等繕治兵仗日夜不息

及朱友倫死

募兵見上五月朱友倫死見上十月治直之翻

全忠益疑脣且欲

遷天子都洛恐脣立異

恐其立異論以沮遷洛之計

天祐元年

是年四月方改元

春正月全忠密表司徒兼侍中判

六軍十二衛事充鹽鐵轉運使判度支崔脣專權亂國

離間君臣

問古覓翻

并其黨刑部尚書兼京兆尹六軍諸衛

副使鄭元規威遠軍使陳班等皆請誅之乙巳詔責授

脣太子少傅分司貶元規循州司戶班湊州司戶

時無湊州

湊當作湊

丙午下詔罪狀脣等以裴樞判左三軍事充鹽鐵

轉運使獨孤損判右三軍事兼判度支庠所募兵並縱遣之以兵部尚書崔遠為中書侍郎翰林學士左拾遺

柳璨為右諫議大夫並同平章事

考異曰舊傳崔庠得罪前一日召璨入內殿

草制敕庠死之日既夕璨自內出前驅傳呼相公來人未見制敕莫測所以新傳曰崔庠死昭宗密許璨相外無知者日暮自禁中出傳呼宰相人大驚按庠未死璨已除平章事新舊傳云庠死後誤也

璨公綽

之從孫也

自元和以來柳氏以清正文雅世濟其美至柳璨而墮其家聲所謂九世卿族一舉而滅

之柳玘之家訓為空言矣從才用翻

戊申朱全忠密令宿衛都指揮使朱

友諒以兵圍崔庠第殺庠及鄭元規陳班并庠所親厚

者數人

崔胤有誤國之罪無負國之心  
全忠攻鳳翔寓居華州為全忠畫圖王之策  
考異曰舊傳

又曰天子還宮全忠東歸胤以事權在已慮全忠急於篡代乃與鄭元規謀召致兵甲以扞戎貲為辭全忠知其意從之令汴州軍人入闕應募者數百人及友倫死全忠怒遣其子宿衛軍使友諒誅胤而應募者突然而出唐太祖紀年錄曰及事權既失知朱溫懷篡奪之志慮一朝禍發與國俱亡因圖自安之計與朱溫外貌相厚私心漸異與元規密為計畫倍招兵數繕治鎧甲朝夕不止朱溫察之乃陰令部下驍果數千始為散卒於京師應募胤每日教閱弓弩梁卒偽示怯懦或倒弓背矢有若不能胤莫之識俄而朱友倫打毬墜死溫愈不悅又聞胤欲挾天子出幸荆襄溫乃抗言胤將交亂天下傾覆朝廷宜急誅之無令事發天子將罷胤知政事貶太子賓客鄭元規循州司戶事未行溫子友諒引兵攻胤詰旦擒之又攻鄭元規於京府擒之崔鄭俱獻首

岐下實錄脩重世宰相而志滅唐祚按崔脩陰狡險躁其罪固多然本召全忠欲假其兵力以除宦官耳宦官既誅全忠兵勢益彊遂有篡奪之心脩復欲以譎詐并圖全忠故全忠覺而殺之若云唐室因脩而亡則可矣舊傳云脩為全忠畫圖王之策實錄云脩志滅唐祚恐未必然也脩仕唐已為上相滅唐立梁於已何益假全脩實有此志則惟患全忠篡代之不速何故復謀拒之此所謂天下之惡皆歸焉者也紀年錄序朱崔之情近得其實今從之然紀年錄云傳首岐下誤也又全忠之去長安也留步騎萬人何患無兵何必更令汴卒應募若在訓練之際突出擒脩猶須此卒脩既貶官家居一夫可制安用此計邪蓋全忠以脩募兵既多或能圖已故使汴卒應募察其動靜以壞其謀非藉此兵以誅脩也人始不知及誅脩之際皆突出人方知是汴卒耳

### 初上在華州

乾寧三年四年上在華州事見

### 朱全忠



屢表請上遷都洛陽

發此機者則崔盾之罪也

上雖不許全忠常令

東都留守佑國軍節度使張全義繕修宮室全忠之克

邠州也質靜難軍節度使楊崇本妻子於河中

事見二百六十

二卷天復元年質音致難乃旦翻

崇本妻美全忠私焉既而歸之崇本

怒使謂李茂貞曰唐室將滅父何忍坐視之乎

李茂貞養崇本

為子更姓名曰李繼徽故呼之為父

遂相與連兵侵逼京畿復姓名為李

繼徽

楊崇本復本姓名見二百六十二卷天復元年

己酉全忠引兵屯河中丁

巳上御延喜樓朱全忠遣牙將寇彥卿奉表稱邠岐兵

逼畿甸請上遷都洛陽及下樓裴樞已得全忠移書促

百官東行

裴樞為首相且朱全忠所薦也故使之促百官以此觀之謂非明附全忠可乎

戊午

驅徙士民號哭滿路

號戶刀翻

罵曰賊臣崔胤召朱溫來傾

覆社稷使我曹流離至此

歸罪于天復元年胤召朱全忠誅宦官其禍遂至此胤不

得不任其責也

老幼縊屬月餘不絕

縊舉兩翻錢貫也屬之欲翻言老幼相隨而東若縊

之貫錢相屬不絕也

壬戌車駕發長安全忠以其將張廷範為御

營使

時以天子東遷扈衛兵士為御營置使以提舉一行事務御營使之官始此

毀長安宮

室百司及民間廬舍取其材浮渭汾河而下長安自此

遂丘墟矣全忠發河南北諸鎮丁匠數萬

時河南北諸鎮皆附於朱

全忠發丁匠必不令張全義治東都宮室

治直江浙湖

嶺諸鎮附全忠者皆輸貨財以助之

江則鄂岳杜洪洪州鍾傳浙則錢鏐

湖則潭州馬殷澧州雷彥威嶺則廣州劉隱皆附全忠者也

甲子車駕至華州民夾

道呼萬歲上泣謂曰勿呼萬歲朕不復為汝主矣館於

興德宮

復扶又翻館古玩翻光化元年上將自華州還長安以華州為興德府以所居府署為興德宮

謂侍臣曰鄙語云紇干山頭凍殺雀何不飛去生處樂

樂音洛朕今漂泊不知竟落何所因泣下霑襟左右莫能

仰視二月乙亥車駕至陝

陝失冉翻  
丁巳詔以今月二十一日先

考異曰梁實錄

遣士庶出京朕將翌日命駕壬戌襄宗發自秦雍甲子  
暨華州二月丁卯上至河中乙亥天子駐蹕陝郡翌日  
上來觀于行在編遺錄正月丁酉上聞關下人心不逞  
遂往河中以審都邑動靜己酉離梁園行至汜水間崔  
胤死是時皆言崔胤以下潛諫帝不令東遷雖陽又密  
與岐鳳交通及斯禍也洎上至蒲津帝謀東幸決取二  
十一日屬車離長安是日丁巳王鑾東指癸亥到甘棠  
二月乙亥上離河中丁丑到陝郊戊寅朝上欲躬往洛  
下催促百工壬辰朝辭明日東邁唐太祖紀年錄丁巳  
下詔與梁實錄同又曰壬戌昭宗發長安遷幸洛陽丁  
卯車駕次華州乙亥駐蹕陝州丙子朱溫自汴州迎覲  
見己先發自此人使相望于路請駕早行幸洛陽舊紀  
正月己酉全忠帥師屯河中遣牙將寇彥卿奉表請車  
駕遷都洛陽丁巳車駕發京師癸亥次陝州全忠迎謁

于路二月丙寅朔乙亥全忠辭赴洛陽親督工作薛居正五代史梁紀正月辛酉帝發自大梁西赴河中京師聞之為之震懼唐年補錄丁巳帝御延喜樓全忠迎扈表至及還宮至暮全忠已移書宰臣裴樞促百官東行是日下詔與梁實錄同尋以張延範為御營使便毀折宮室汾河而下仍起豪民從行貧者亦繼焉車駕以其月二十三日己未至華州二月丙寅車駕駐陝郊又曰三月三日戊辰車駕離華下其差舛如此實錄丁巳全忠遣牙將寇彥卿奉表言慮郃岐兵士侵迫請車駕遷都洛陽乃下詔與梁實錄同二月丙寅朔丁卯次華州時朱全忠屯河中乙亥駐陝州丙子全忠來朝又賜王建綢詔云正月二十日朕登樓二十二日東軍兵士擁脇朕東去新紀正月戊午全忠遷唐都于洛陽二月戊寅次陝州朱全忠來朝按梁實錄唐紀年錄唐年補錄唐實錄所載詔書皆云二十二日遣士庶出京朕翌日命駕而諸書月日各不同莫有與此詔相應者編遺汴

人所錄比唐紀年宜得其實而正月二十一日丁巳全忠請遷都表始至長安車駕當日豈能便發長安去陝猶八程而癸亥已到甘棠首尾七日太似忽遽實錄全用紀年錄正月二十六日始離長安二月二日至華州駐留數日故同以十日以東都宮室未成駐留於陝丙至陝差似相近今從之

子全忠自河中來朝上延全忠入寢室見何后后泣曰自今大家夫婦委身全忠矣甲申立皇子禎為端王

祈為豐王福為和王禧為登王祐為嘉王上遣間使

以御札告難子王建

間古覓翻使疏吏  
翻下同難乃旦翻

建以邛州刺史

王宗祐為北路行營指揮使

邛渠  
容翻

將兵會鳳翔兵迎車

駕至興平遇汴兵不得進而還建始自用墨制除官云

侯車駕還長安表聞

楊行密以便宜除官猶曰以李儼將命為據至王建則自為之矣

三月丁未以朱全忠兼判左右神策及六軍諸衛事

崔肩既誅朱全忠遂專摠禁衛其實布分私人於天子左右而駕言判其事耳

癸丑全忠置酒

私第

朱全忠奔走兵間得陝州何暇建私第其實以到陝州所即安之地即為私第耳

邀上臨

幸

天王狩於河陽晉文公以諸侯見也仲尼曰以臣召君不可以訓安有置酒私第邀人主臨之者乎

乙

卯全忠辭上先赴洛陽督修宮室上與之宴羣臣既罷上獨留全忠及忠武節度使韓建飲皇后出自捧玉卮

以飲全忠

以飲於禁翻

晉國夫人可證附上耳語建躡全忠

足

躡尼輒翻

全忠以為圖已不飲陽醉而出全忠奏以長安

為佑國軍

光啟三年置佑國軍節度於洛陽故徙佑國軍於長安考異曰按河南府

先已為佑國軍今京兆府乃與同名者蓋車駕既在河南則無用軍額故移其名於京兆耳天祐二年鄭賓猶為西京留守判官然則雖立軍額京名尚在耳以韓建為佑國節度使以鄭州

刺史劉知俊為匡國節度使丁巳上復遣間使以絹詔

告急於王建楊行密李克用等令糾帥藩鎮以圖匡復

上復扶又翻帥讀曰率考異曰續寶運錄天復四年三月二十二日丑時襄宗在陝府行營密遣絹詔告晉



楚蜀未云三月二十三日四月二十七日齋到西川頒  
示管内州縣實錄此月絹詔在四月據十國紀年楊行  
密三月王建四月得詔與寶運錄畧相應今移置此月  
曰朕至洛陽則為所幽閉

詔敕皆出其手朕意不復得通矣

昭宗絹詔當時居方面者未必動心而讀

其書者往往掩卷

楊行密遣錢傳璫及其婦并顧全武歸錢

塘

錢傳璫為質於楊行密見上卷天復二年

以淮南行軍司馬李神福為鄂

岳招討使復將兵擊杜洪

田頌已平故復遣李神福擊杜洪

朱全忠遣

使詣行密請捨鄂岳復修舊好行密報曰俟天子還長

安然後罷兵修好

楊行密之心在廣土朱全忠之心在寡唐全忠力不能救杜洪故有是言

行密之報假天討以折其辭  
其所志不在此也好呼到翻

夏四月辛巳朱全忠奏

洛陽宮室已成請車駕早發表章相繼上屢遣宮人諭

以皇后新產未任進路

任音士  
堪也

請俟十月東行全忠疑

上徘徊變

疑上徘徊以待  
諸道勤王之師

怒甚謂牙將寇彥卿曰汝

速至陝即日促官家發來

以臣迎君此何等語華督有  
無君之心而後動於惡君子

於其攻孔氏之時始知之若朱全忠之心微于色發于  
聲為有君乎為無君乎又按西漢羣臣謂天子為縣官  
東漢以來謂為國家唐時宮中率呼天子為宅家又羣  
小呼之為官家或曰其義蓋取五帝官天下三王家天

下閏月丁酉車駕發陝壬寅全忠逆於新安

九域志新  
安縣在洛

陽西七十里上之在陝也司天監奏星氣有變期在今秋不

利東行

此椒殿弑逆之徵也天之垂象示戒豈不昭昭也哉

故上欲以十月幸洛

至是全忠令醫官許昭遠告醫官使閻祐之司天監王

墀內都知韋周晉國夫人可證等謀害元帥悉收殺之

唐末置醫官使以主醫官內都知盛唐知內侍省之職

事也至宋汭唐之制有內侍省左右班都都知左右班

都知副都知閻佑之王墀之死以言星氣也

癸卯上愬

韋周可證之死以附耳語也元帥朱全忠

於穀水

穀水在洛城西愬音去例翻

自崔盾之死六軍散亡俱盡所

餘擊毬供奉內園小兒共二百餘人從上而東

考異曰後唐

紀年錄云五百人實錄  
據之今從舊紀薛史

全忠猶忌之為設食於幄盡縊

殺之

為于偽翻縊一既翻又於賜翻

豫選二百餘人大小相類者衣其

衣服

衣其于既翻

代之侍衛上初不覺累日乃寤自是上之

左右職掌使令

今音零

皆全忠之人矣甲辰車駕發穀水

入宮御正殿受朝賀

時以貞觀殿為正殿崇勲殿為入閣朝直遙翻

乙巳御光

政門

時遷洛之後易宮門名改長樂門為光政門

赦天下改元

改元天祐

更命陝

州曰興唐府

更工衡翻

詔討李茂貞楊崇本戊申敕內諸司

惟留宣徽等九使

時惟留宣徽兩院小馬坊豐德庫御廚客省閤門飛龍莊宅九使

外

餘皆停廢仍不以內夫人充使

考異曰編遺錄曰戊申鑾輿初到洛都經費

甚廣況國用未豐庶事革創因刪畧閒冗司局今後除留宣徽等九使外餘並停廢仍不差內中夫人充使蓋初誅宦官後內諸司使皆以內夫人領之至此使用外人也而實錄改充使為宣事誤也

按宦官既誅以內

夫人宣傳詔命及充內諸司使夫既宣傳詔命則實錄云宣事亦未為誤但天祐三年方罷宮人宣傳詔命故以實錄為誤

以蔣玄暉為宣徽南院使兼樞密使王殷為宣

徽北院使兼皇城使張延範為金吾將軍充街使以韋

震為河南尹兼六軍諸衛副使又徵武寧留後朱友恭

為左龍武統軍保大節度使氏叔琮為右龍武統軍典

宿衛皆全忠之腹心也癸丑以張全義為天平節度使

乙卯以全忠為護國宣武宣義忠武四鎮節度使

朱全忠先

為宣武天平宣義護國四鎮節度使以張全義有積年

義而已兼忠武為四鎮

鎮海鎮東節度使越王錢鏐求封吳越

王朝廷不許朱全忠為之言於執政乃更封吳王

天復元年

錢鏐封越王為于

偽翻更工衡翻

更命魏博曰天雄軍

代宗以魏博為天雄軍以

寵田承嗣至德宗時田悅逆命後復歸

順命為魏博節度使今復舊天雄軍號

癸亥進天雄節度使長沙郡王羅紹威爵鄴王

資治通鑑卷二百六十四

欽定四庫全書

史部

資治通鑑卷二百六十五

詳校官修撰臣錢 榮

洗馬臣王坦修覆勘

總校官知縣臣楊懋珩

校對官主事臣李 棻

謄錄監生臣王貽桂



欽定四庫全書

資治通鑑卷二百六十五 宋 司馬光 撰

胡三省 音註

唐紀八十一

起開逢困敦五月盡癸  
兆攝提格凡二年有奇

昭宗聖穆景文孝皇帝下之下

天祐元年五月丙寅加河陽節度使張漢瑜同平章事

帝宴朱全忠及百官於崇勲殿

時以洛陽宮前殿為  
貞觀殿內朝為崇勲

殿既罷復召全忠宴於內殿

復狀  
又翻

全忠疑不入帝曰全

忠不欲來可令敬翔來全忠搃翔使去曰翔亦醉矣

全忠

疑帝欲圖已敬翔其腹心也故亦不使之入搃它狄翻

辛未全忠東還

還從宣翻又如字

乙亥至大梁忠義節度使趙匡凝遣水軍上峽攻王

建夔州

趙匡凝以襄陽之甲窺夔門夔在三峽上游沂流攻之故曰上峽上時掌翻

知渝州

王宗阮等擊敗之萬州刺史張武作鐵絙絕江中流立

柵於兩端謂之鎖峽

敗補邁翻絙古恒翻鎖即鎖字

六月李茂貞王

建李繼徽傳檄合兵以討朱全忠全忠以鎮國節度使

朱友裕為行營都統將步騎擊之

當是時蜀兵不出朱全忠之兵力不能及

也令朱友裕擊岐邠耳

命保大節度使劉鄩奔鄜州引兵屯同州

劉鄩在鄜州逼近李茂貞繼徽聲援不接故使奔鄜還屯同州與朱友裕合執鄜音夫

癸丑全忠

引兵自大梁西討茂貞等秋七月甲子過東都入見

賢見

通

壬申至河中

西川諸將勸王建乘李茂貞之衰攻

取鳳翔建以問節度判官馮涓

涓圭淵翻

涓曰兵者凶器殘

民耗財不可窮也

言不可窮兵極其兵力好戰不休是窮兵也

今梁晉虎爭

勢不兩立

梁朱全忠晉李克用

若併而為一舉兵向蜀雖諸葛亮

復生不能敵矣

復扶又翻

鳳翔蜀之藩蔽不若與之和親結

為婚姻無事則務農訓兵保固疆場

易音亦

有事則覘其

機事觀豐而動可以萬全

覘丑廉翻又丑  
艷翻豐許覲翻

建曰善茂貞

雖庸才然有强悍之名

悍下罕翻  
又侯肝翻

遠近畏之與全忠力

爭則不足自守則有餘使為吾藩蔽所利多矣乃與茂

貞修好

王建既併山南諸州阻關而守關外倚  
李茂貞為藩蔽故與之修好好呼到翻

丙子茂

貞遣判官趙鎰如西川為其姪天雄節度使繼勲求昏

鎰戶音翻為于偽翻此天

建以女妻之

妻七  
細翻

茂貞數求

雄軍治秦州屬李茂貞

貨及甲兵於建建皆與之

墮軍實以厚寇讐宜王建之  
本心哉倚以自蔽不厭其數

也數所  
角翻

王建賦斂重人莫敢言馮涓因建生日獻頌先

美功德後言生民之苦建愧謝曰如君忠諫功業何憂

賜之金帛自是賦斂稍損

史言馮涓因獻頌而進規  
故其諫易入斂力瞻翻

初朱全忠自鳳翔迎車駕還

見二百六十三卷天復  
三年還從宣翻又如字見

德王裕眉目疎秀且年齒已壯惡之

惡烏路翻全忠欲  
篡利立庸幼德王

裕貌秀而齒長立之  
非己之利也故惡之

私謂崔胤曰德王嘗奸帝位

謂為  
劉季

述所立也事見二百六十  
二卷光化三年天復元年

豈可復留

奸音于復  
扶又翻

公何不

言之胤言於帝帝問全忠全忠曰陛下父子之間臣安

敢竊議此崔肩賣臣耳

史言朱全忠之殺猾

帝自離長安日憂不

測與皇后終日沈飲或相對涕泣

離力智翻是年正月壬戌帝離長安而東

沈持林翻

全忠使樞密使蔣玄暉伺察帝動靜皆知之

伺相史翻

帝從容謂玄暉曰德王朕之愛子全忠何故堅欲殺之

因泣下齧中指血流玄暉具以語全忠

史言昭宗之輕脫以速禍從千

容翻齧五結翻語牛倨翻

全忠愈不自安時李茂貞楊崇本李克用

劉仁恭王建楊行密趙匡凝移檄往來皆以興復為辭

全忠方引兵西討

西討岐郿

以帝有英氣恐變生於中欲立

幼君易謀禪代

易以政翻

乃遣判官李振至洛陽與玄暉及

左龍武統軍朱友恭右龍武統軍氏叔琮等圖之八月

壬寅帝在椒殿

椒殿皇后殿也史炤曰椒殿亦猶椒房之稱

玄暉選龍武牙

官吏太等百人夜叩宮門言軍前有急奏

軍前謂西討行營軍前也

欲面見帝夫人裴貞一開門見兵曰急奏何以兵為史

太殺之玄暉問至尊安在昭儀李漸榮臨軒呼曰

呼火故翻

寧殺我曹勿傷大家帝方醉遽起單衣繞柱走史太追

而弑之

年三十八

漸榮以身蔽帝太亦殺之又欲殺何后后

求哀於玄暉乃釋之

何后祈生于蔣玄暉而卒以玄暉死屈節以苟歲月之生豈若以身

殉昭宗之不失節也

癸卯蔣玄暉矯詔稱李漸榮裴貞一弑逆宜

立輝王祚為皇太子更名祝

更工衡翻祝昌六翻

監軍國事

監古衡翻

又矯皇后令太子於樞前即位宮中恐懼不敢出聲哭

丙午昭宣帝即位時年十三李克用復以張承業為

監軍

李克用匿張承業見上卷天復三年監占衡翻

淮南將李神福攻鄂州

未下

天復三年李神福始攻鄂州天祐元年又攻鄂州事並見上卷

會疾病還廣陵楊

行密以舒州團練使泌陽劉存代為招討使

泌陽漢湖陽縣地後



魏置石馬縣後訛為上馬貞觀元年廢開元十六年復割湖陽置上馬縣天寶元年改曰泌陽屬唐州宋白曰泌陽縣本漢舞陰縣地云云同上唐改泌陽以地在泌水之陽也唐州治馬泌兵媚翻神福尋卒

宣州觀察使臺蒙卒

卒子恤翻

楊行密以其子牙內諸軍使

渥為宣州觀察使右牙都指揮使徐溫謂渥曰王寢疾

而嫡嗣出藩此必姦臣之謀它日相召非溫使者及王

令書慎無亟來

諸侯下令于境內謂之令書以異於天子所下制詔敕之書也亟紀力翻為徐

溫召渥張本

渥泣謝而行

九月己巳尊皇后為皇太后

朱全忠引兵北屯永壽南至駱谷

軍永壽所以致邠兵自此而南至駱谷所

以致鳳翔邠寧兵竟不出卒未東還冬十月辛卯朔

日有食之朱全忠聞朱友恭等弑昭宗陽驚號哭

號戶

刀翻自投於地曰奴輩負我令我受惡名於萬代癸巳至

東都

自軍前東還至東都

伏梓宮慟哭流涕又見帝自陳非已志

請討賊

帝昭宣帝也賊弑君之賊

先是護駕軍士有掠米於市者

先惡

翻薦甲午全忠奏朱友恭氏叔琮不戢士卒侵擾市肆

此以

為二人罪猶不敢昌友恭貶崖州司戶復姓名李彥威

然以弑逆之罪罪之

李彥威青州人客汴州殖財任俠朱全忠愛而子之考異見二百五十九卷景福二年叔琮貶白

州司戶尋皆賜自盡彥威臨刑大呼曰賣我以塞天下

之謗

呼火故翻  
塞悉則翻

如鬼神何行事如此望有後乎丙申天

平節度使張全義來朝丁酉復以全忠為宣武護國宣

義天平節度使以全義為河南尹兼忠武節度使判六

軍諸衛事

朱全忠兼忠武張全義帥天平見上卷上乙  
年朱友恭氏叔琮既誅以全義領宿衛

已全忠辭赴鎮庚戌至大梁鎮國節度使朱友裕薨

於梨園

死于梨園行營

光州叛楊行密降朱全忠

降戶江翻行密

遣兵圍之與鄂州皆告急於全忠

楊行密使其將劉存政杜洪於鄂州

十

一月戊辰全忠自將兵五萬自潁州濟淮

自潁州潁上縣取正陽濟

淮軍于霍丘

九域志霍丘縣在壽州東一百二十七里按元豐之壽州治下蔡

分兵救

鄂州淮南兵釋光州之圍還廣陵按兵不出戰全忠分

命諸將大掠淮南以困之錢鏐潛遣衢州羅城使葉

讓殺刺史陳璋事泄

錢鏐恨陳璋見二百六十三卷天復二年

十二月璋斬

讓而叛降于楊行密

降戶江翻

初馬殷弟實性沈勇

實祖宗翻

沈持林翻事孫儒為百勝指揮使

以百戰百勝名軍

儒死事楊行密

屢有功遷黑雲指揮使行密嘗從容問其兄弟

從千容翻

乃

知為殷之弟大驚曰吾常怪汝器度瓌偉

瓌古回翻

果非常

人當遣汝歸賓泣辭曰賓淮西殘兵

馬賓從泰宗權孫儒起于淮西故云

然大王不殺而寵任之湖南地近嘗得兄聲問實事大

王久不願歸也行密固遣之是歲賓歸長沙行密親餞

之郊賓至長沙殷表賓為節度副使它日殷議入貢天

子賓曰楊王地廣兵彊

楊行密封吳王故稱之

與吾鄰接不若與

之結好

好呼到翻

大可以為緩急之援小可通商旅之利殷

作色曰楊王不事天子一旦朝廷致討罪將及吾汝置

此論勿為吾禍

史言馬殷畏朱全忠

初清海節度使徐彥若遺

表薦副使劉隱權留後

事見二百六十卷天復元年

朝廷以兵部尚

書崔遠為清海節度使遠至江陵聞嶺南多盜且畏隱

不受代不敢前朝廷召遠還隱遣使以重賂結朱全忠

乃奏以隱為清海節度使

史言劉隱自託于朱全忠

昭宣先烈孝皇帝

諱祚即位更名祝昭宗第九子後唐明宗天成三年立廟于曹

州四年乃

追崇諡號

天祐二年春正月朱全忠遣諸將進兵逼壽州

是時壽州治壽

奉朱全忠自霍丘遣諸將進逼之

潤州團練使安仁義勇決得士心

故淮南將王茂章攻之踰年不克

王茂章攻潤州事始上卷天復三年八月

楊行密使謂之曰汝之功吾不忘也

安仁義歸楊行密破趙鍾孫儒平宣

潤皆有功

能束身自歸當以汝為行軍副使但不掌兵耳仁

義不從茂章為地道入城遂克之仁義舉族登樓衆不

敢逼

安仁義在淮南軍中號最善射衆憚之故不敢逼

先是攻城諸將見仁義

輒罵之

先惡薦翻

惟李德誠不然至是仁義召德誠登樓謂

曰汝有禮吾今以為汝功且以愛妾贈之德誠掖之而

下并其子斬于廣陵市

田頴朱延壽安仁義淮南諸將中之鎗鎗者也三叛連衡不足

以病楊行密暮年之餘相次禽殄行密未易才也

兩浙兵圍陳詢于睦州

陳詢

叛錢鏐事始上卷天復三年

楊行密遣西南招討使陶雅將兵救之

軍中夜驚士卒多踰壘亡去左右及裨將韓球奔告之

雅安臥不應須臾自定亡者皆還

史言御衆之術惟靜足以制動

錢鏐

遣其從弟鎰及指揮使顧全武王球禦之為雅所敗

從

用翻鎰夷質翻敗補邁翻

虜鎰及球以歸

庚午朱全忠命李振知

青州事代王師範

朱全忠寬西顧之虞然後命李振代王師範

全忠圍壽



州州人閉壁不出全忠乃自霍丘引歸

朱全忠遣諸將逼壽州城下而

留屯霍丘為後勢

二月辛卯至大梁

霍丘至大梁九百餘里

李振至青

州王師範舉族西遷至濮陽素服乘驢而進

至濮陽已入朱全忠

巡屬故囚服乘驢以請罪濮博木翻

至大梁全忠客之表李振為青州留

後戊戌以安南節度使同平章事朱全昱為太師致

仕全昱全忠之兄也戇樸無能

戇竹巷翻

先領安南全忠自

請罷之

是日社

自古以來以戊日社戊土也立春以後歷五戊則社日

全忠使

蔣玄暉邀昭宗諸子德王裕棣王栩虔王禊沂王禔遂

王禕景王祕祁王琪雅王禎

禎之人翻

瓊王祥置酒九曲池

九曲池在洛苑中

酒酣悉縊殺之投尸池中 朱全忠遣其將

曹延祚將兵與杜洪共守鄂州庚子淮南將劉存攻拔

之

天復二年正月淮南兵攻鄂州踰兩晷而後克

執洪延祚及汴兵千餘人送

廣陵悉誅之

僖宗先啓二年杜洪據鄂州至是而亡

行密以存為鄂岳觀

察使 已酉葬聖穆景文孝皇帝於和陵

和陵在河南緱氏縣懷來

山是年更名太平山

廟號昭宗 三月庚午以王師範為河陽節

度使 戊寅以門下侍郎同平章事獨孤損同平章事

充靜海節度使

罷獨孤損政事耳靜海軍治交州在嶺海之外損安得至邪

以禮部

侍郎河間張文蔚同平章事

蔚紆勿翻

甲申以門下侍郎同

平章事裴樞為左僕射崔遠為右僕射並罷政事初柳

璨及第不四年為宰相性傾巧輕佻

佻它彫翻

時天子左右

皆朱全忠腹心璨曲意事之同列裴樞崔遠獨孤損皆

朝廷宿望意輕之璨以為憾和王傳張廷範

和王福亦昭宗之子

本優人有寵于全忠奏以為太常卿樞曰廷範勲臣幸

有方鎮

言幸有方鎮可以處之

何藉樂卿

太常卿掌禮樂故曰樂卿言勲人處之之職當

各當其分不藉樂卿以榮

恐非元帥之旨

朱全忠時為諸道元帥故稱之

持之不下

下戶嫁翻

全忠聞之謂賓佐曰吾常以裴十四器識真純不

入浮薄之黨

裴樞第十四

觀此議論本態露矣

言其猶持清議也

璨

因此并遠損譖於全忠故三人皆罷以吏部侍郎楊涉

同平章事涉收之孫也

楊涉見懿宗紀為相以罪貶死

為人和厚恭謹

聞當為相與家人相泣謂其子凝式曰此吾家之不幸

也必為汝累

累良瑞翻

加清海節度使劉隱同平章事

壬辰河東都押牙蓋寓卒遺書勸李克用省營繕薄賦

敘求賢俊

史言蓋寓垂歿不忘效忠於李克用蓋古蓋翻姓也省所景翻

夏四月庚

子有彗星出西北

彗祥歲翻又徐醉翻又音歲

淮南將陶雅會衢

睦兵攻婺州

光化三年田頔取婺州既而頔為楊行密所攻錢鏐取婺州使沈夏守之錢鏐

使其弟鏐將兵救之

鏐匹燒翻

五月禮院奏皇帝登位應

祀南郊敕用十月甲午行之

為朱全忠殺柳璨蔣玄暉張本

乙丑彗

星長竟天

彗所以除舊布新易姓之徵也薛居正五代史曰是年正月甲辰有彗出于北河貫文昌

其長三大餘五月乙丑復出軒轅大角及于天市垣光耀嚴猛柳璨恃朱全忠之勢恣

為威福會有星變占者曰君臣俱災宜誅殺以應之璨

因疏其素所不快者於全忠曰此曹皆聚徒橫議怨望

腹非

橫戶猛翻  
非亦作誹

宜以之塞災異

塞悉則翻

李振亦言於朱全

忠曰朝廷所以不理良由衣冠浮薄之徒紊亂綱紀

紊音

問且王欲圖大事

謂纂奪也

此曹皆朝廷之難制者也不若

盡去之

去羌呂翻

全忠以為然癸酉貶獨孤損為棣州刺史

裴樞為登州刺史崔遠為萊州刺史乙亥貶吏部尚書

陸扆為濮州司戶工部尚書王溥為淄州司戶庚辰貶

太子太保致仕趙崇為曹州司戶兵部侍郎王贊為濰

州司戶

濰音維唐武德二年分青州北海縣置濰州八年州廢以北海還屬青州此時蓋復置濰州也

自餘或門胄高華或科第自進居三省臺閣以名檢自

處

處昌呂翻

聲迹稍著者皆指為浮薄貶逐無虛日搢紳為

之一空

為于偽翻

辛巳再貶裴樞為瀧州司戶

劉昫曰瀧州治瀧水縣本

漢端溪縣地晉分端溪立龍鄉縣隋改龍鄉為平原縣又改為瀧水唐平蕭銑置瀧州瀧間江翻

獨孤

損為瓊州司戶崔遠為白州司戶甲申忠義節度使

趙匡凝遣使修好於王建

趙匡凝東結淮南西通巴蜀欲交隣以抗朱全忠也適以

動朱全忠之兵好呼到翻

六月戊子朔敕裴樞獨孤損崔遠陸扆王

溥趙崇王贊等並所在賜自盡時全忠聚樞等及朝士

貶官者三十餘人於白馬驛

白馬驛在滑州白馬縣

一夕盡殺之

投尸于河初李振屢舉進士竟不中第

中竹仲翻

故深疾搢

紳之士言於全忠曰此輩常自謂清流宜投之黃河使

為濁流全忠笑而從之振每自汴至洛朝廷必有竄逐

者時人謂之鴟梟

朝直遙翻下同梟堅亮翻

見朝士皆頤指氣使

以頤

指麾以氣使令言其怙朱全忠之勢而肆其驕豪也

旁若無人全忠嘗與僚佐及

遊客坐於大柳之下全忠獨言曰此柳宜為車轂

轂古鹿翻



衆莫應有遊客數人起應曰宜為車轂全忠勃然厲聲

曰書生輩好順口玩人皆此類也

好呼到翻言順口附和以玩狎人

車

轂須用夾榆

說文榆白粉所謂夾榆乃今之田榆也生田塍間其皮類槐其肉理堅緻而赤鋸以

為器堅而耐久車轂衆輻所湊其木宜堅緻者呂俛曰檣榆宜作車轂爾雅云白棗也檣相稽翻

柳木

豈可為之顧左右曰尚何待左右數十人捽言宜為車

轂者悉撲殺之

捽昨沒翻撲弼角翻

已丑司空致仕裴贇貶青州

司戶尋賜死柳璨餘怒所注猶不啻十數張文蔚力解之乃止時士大夫避亂多不入朝壬辰敕所在州縣督

遣無得稽留前司勳員外郎李延古德裕之孫也去官

居平泉莊

李德裕有平泉莊在河南府界德裕平泉記曰先公眺望屬注伊川吾于是有退居河洛

之志於龍門得喬處士故居翦荆棘驅狐狸而為之康駢曰平泉莊去洛城三十里詔下未至責

授衛尉寺主簿秋七月癸亥太子賓客致仕柳遜貶曹

州司馬 庚午夜天雄牙將李公佺與牙軍謀亂羅紹

威覺之公佺焚府舍剽掠奔滄州

為羅紹威誅牙將張本佺且緣翻剽匹妙

翻時劉守文據滄州

八月王建遣前山南西道節度使王宗賀

等將兵擊昭信節度使馮行襲於金州

馮行襲附

朱

朱全忠

全忠以趙匡凝東與楊行密交通西與王建結昏乙未遣武寧節度使楊師厚將兵擊之己亥全忠以大軍繼

之

考異曰梁太祖實錄薛居正五代史梁記皆云七

月庚午遣楊師厚帥前軍討趙匡凝于襄州辛未帝南征唐實錄七月全忠奏匡凝擅通好西川淮南又遣弟專領荆南請削奪官爵己遣都將楊師厚討之翌日全忠自帥軍以進編遺錄八月壬辰先抽武寧楊師厚是日到乃議伐襄州師趙匡凝乙未大發車徒委楊師厚總其軍政乙亥上領親從步騎繼大軍之後是夜宿尉氏今從之薛史太祖將圖禪代以匡凝兄弟並據蒲鎮乃遣使先諭旨焉凝對使者流涕答以受國恩深豈敢隨時妄有它志使者復命太祖大怒天祐二年秋七月遣楊師厚帥師討之辛未全忠南征表匡凝罪狀請削官爵按全忠劫遷昭宗於洛陽匡凝與行密等移檄諸

道共討之全忠安肯  
以禪代問之今不取  
處州刺史盧約使其弟佶攻陷

温州

佶巨乙翻  
温州十國紀

考異曰新紀正月約陷  
年在此月戊戌今從之

張惠奔福州

天復三年張惠據温州至是而敗王審知時據福州自  
温州南出平陽縣渡海浦即福州界九域志温州東南

至福州界三百二十里自  
界首至福州五百二十里

錢鏐遣方永珍救婺州

淮南

兵自正月  
攻婺州

初禮部員外郎知制誥司空圖奔官居虞

鄉王官谷

王官谷在虞  
鄉縣中條山

昭宗屢徵之不起柳璨以詔書

徵之圖懼詣洛陽入見

見賢  
通翻

陽為衰野墜笏失儀璨乃

復下詔畧曰既養高以傲代類移山以釣名又曰匪夷

匪惠難居公正之朝

復扶又翻柳璨言司空圖既非伯夷之清又非柳下惠之和且朝政

如彼而自謂公正通鑑直叙其辭而熾惡自見

可放還山圖臨淮人也楊師

厚攻下唐鄧復郢隨均房七州

七州皆忠義軍巡屬

朱全忠軍于

漢北九月辛酉命師厚作浮梁於陰谷口

襄州穀城縣有陰城鎮按

舊史陰谷口在襄州西六十里

癸亥引兵度漢

浮梁成而度

甲子趙匡凝將

兵二萬陳于漢濱

陳讀曰陣

師厚與戰大破之遂傳其城下

傳讀如附

是夕匡凝焚府城帥其族及麾下士泚漢奔廣陵

僖宗中和四年趙德諱據襄州傳子匡凝至是而亡楊行密時據廣陵匡凝泚漢入江順流東下而奔歸之帥

諸曰率乙丑師厚入襄陽丙寅全忠繼至匡凝至廣陵

下同

楊行密戲之曰君在鎮歲以金帛輸全忠令敗乃歸我乎匡凝曰諸侯事天子歲輸貢賦乃其職也豈輸賊乎

輸泰遇翻

今日歸公正以不從賊故耳行密厚遇之丙寅

封皇弟禔為潁王

禔是支翻又是今翻

祐為蔡王

丁卯荆南節

度使趙匡明帥衆二萬奔城奔成都

天復二年趙匡凝遣匡明據有荆南

匡凝既敗匡明亦走

戊辰朱全忠以楊師厚為山南東道留後引

兵擊江陵

荆南軍府治江陵

至樂鄉

九域志江陵府長林縣有樂鄉鎮

荆南牙

將王建武遣使迎降全忠以都將賀瓌為荆南留後

降戶

江翻瓌  
古回翻

全忠尋表師厚為山南東道節度使 王宗賀

等攻馮行襲所向皆捷丙子行襲奔金州奔均州其將

全師朗以城降

僖宗大順二年馮行襲取金州至是而敗行襲遂歸于朱全忠九域志金州東

至均州七百里

考異曰李昊蜀書高祖紀作全行思

後主紀作全行宗

林思謬王宗揣王承規傳作全行宗

秦弘志傳作全行朗新書馮行襲傳作金行全蓋傳寫

差誤不可考正按後蜀後主實錄云金州招安指揮使

全師郁世居金州疑是師朗

王建更師朗姓名曰王宗

昆弟族人也今從十國紀年

朗

更工衡翻  
下詔更同

補金州觀察使割渠巴開三州以隸之

宋白

曰渠州春秋巴國秦滅巴置巴郡漢為宕渠縣地蜀先  
主分巴郡置宕渠郡梁大同三年於郡理置渠州巴州  
亦漢宕渠地後漢分宕渠北界置漢昌縣今州理是也  
後魏於漢昌縣理置大谷郡又于郡北置巴州開州漢  
胸腮縣地後漢建安二年分胸腮西北界  
置漢豐縣後周置開江郡隋改郡為開州 乙酉詔更

用十一月癸酉親郊淮南將陶雅陳璋拔婺州執刺

史沈夏以歸楊行密以雅為江南都招討使歙婺衢睦

觀察使

楊行密本用  
陶雅為歙州

以璋為衢婺副招討使璋攻墜陽

此墜陽即越州諸暨縣  
也與婺州東陽縣接壤

兩浙將方習敗之

敗補  
邁翻

習進攻

婺州濠州團練使劉金卒楊行密以金子仁規知濠



州楊行密長子宣州觀察使渥

長知兩翻  
下子長同

素無令譽

令善也  
今翻

軍府輕之行密寢疾命節度判官周隱召渥

隱性褊直

褊書客翻愚  
也又涉降翻

對曰宣州司徒輕易信讒喜擊

毬飲酒

楊渥時守宣州蓋加官司  
徒易以致翻喜許記翻

非保家之主餘子皆

幼未能駕馭諸將廬州刺史劉威從王起細微必不負

王不若使之權領軍府

考異曰按徐溫謂隱為奸人隱  
若欲為亂當密召劉威豈肯對

其父斥渥短請以軍府  
授威隱乃慙直之人耳

俟諸子長以授之

長知  
兩翻

行密不

應左右牙指揮使徐溫張顥言於行密曰王平生出萬

死冒矢石為子孫立基業

為于偽翻

安可使它人有之行密

曰吾死瞑目矣

瞑莫定翻開目也

隱舒州人也它日將佐問疾

行密目留幕僚嚴可求眾出可求曰王若不諱如軍府

何行密曰吾命周隱召渥今忍死待之可求與徐溫詣

隱隱未出見牒猶在案上可求即與溫取牒遣使者如

宣州召之

為楊渥不終張本

可求同州人也

路振九國志曰嚴可求本馮翊人父

實仕唐為江淮陸運

判官由是家于江都

行密以潤州團練使王茂章為宣

州觀察使

楊行密以宣州地接杭州使良將居之宣知楊渥與王茂章構怨乎為茂章奔兩浙張本

冬十月丙戌朔以朱全忠為諸道兵馬元帥別開幕

府

別開元帥府

是日全忠部署將士將歸大梁

將自襄陽歸大梁

忽

變計欲乘勝擊淮南

洛陽以丙戌除全忠諸道元帥全忠猶在行營以是日變計欲攻淮

南敬翔諫曰今出師未踰月平兩大鎮

謂荆襄兩鎮

闢地數

千里遠近聞之莫不震懾

懾之涉翻

此威望可惜不若且歸

息兵俟豐而動

敬翔知淮南之不可攻豐許觀翻

不聽改昭信軍為

戎昭軍

昭信軍本置于金州時已為王建所取

辛卯朱全忠發襄州壬

辰至棗陽

棗陽縣屬隨州自襄陽至棗陽一百三十餘里

遇大雨自申州抵光

州宋白曰申州春秋之申國漢置平氏縣魏文帝立義陽郡宋立司州入魏改為郢州周武帝改郢州為中

州光州春秋弦國漢為西陽縣魏置弋陽郡梁末于光城置光州北齊置南郢州後周為淮南郡隋復為光州

九域志自申州東南至光州三百五十五里考異曰

梁太祖實錄十月壬申上御大軍發自襄州由安黃涉

申光登壽春之霍丘駐馬十國紀年十月朱全忠自襄

州帥衆二十萬趨光壽按十月丙戌朔無壬申梁實錄

誤今從道險狹塗潦人馬疲乏士卒尚未冬服多逃亡

全忠使人謂光州刺史柴再用曰下我以汝為蔡州刺

史柴再用汝陽人也不下且屠城再用嚴設守備戎服

故以衣錦啗之

登城見全忠拜伏甚恭曰光州城小兵弱不足以辱王

之威怒王苟先下壽州敢不從命全忠留其城東旬日

而去起居郎蘇楷禮部尚書循之子也

裴樞等既死而蘇循等進

矣奉唐璽綬而輸之梁者此輩也

素無才行

行下孟翻

乾寧中登進士第昭

宗覆試黜之仍永不聽入科場

洪邁隨筆曰昭宗乾寧三年試進士刑部尚書

崔凝以下二十五人放榜詔于武德殿前覆試但放十五人自狀頭張貽範以下重落其六人許再入舉場四人所試最下不許再入蘇楷其一也唐人謂貢院為科場亦謂之場屋言由此而決科進取爭名之場也

甲

午楷帥同列上言諡號美惡臣子不得而私先帝諡號

多溢美乞更詳議

按舊書帝紀楷時帥起居郎羅衮起居舍人盧鼎上駁議楷目不知書僅

能執筆其文羅衮作也  
帥讀曰率上時掌翻

事下大常

下戶嫁翻

丁酉張廷範奏

改諡恭靈莊愍孝皇帝廟號襄宗詔從之 楊渥至廣

陵

渥自宣州至廣陵

辛丑楊行密承制以渥為淮南留後 戊

申朱全忠發光州迷失道百餘里又遇雨比及壽州

九城

志光州東至壽州三百五十里比必利翻

壽人堅壁清野以待之全忠欲圍

之無林木可為柵乃退屯正陽

淮水流出潁壽之間夾淮有正陽鎮東正陽屬

壽州安豐縣界西正陽屬潁州潁上縣界

癸丑更名成德軍曰武順

以朱全忠

父名誠故改成德為武順更工衡翻

十一月丙辰朱全忠度淮而北柴

再用抄其後軍

抄楚交翻

斬首三千級獲輜重萬計全忠悔

之

悔不用敬翔之言也

躁忿尤甚

躁則刊翻

丁卯至大梁先是全忠急

於傳禪

先悉薦翻

密使蔣玄暉等謀之玄暉與柳璨等議以

魏晉以來皆先封大國加九錫殊禮然後受禪當次第

行之乃先除全忠諸道元帥以示有漸仍以刑部尚書

裴迪為送官告使全忠大怒宣徽副使王殷趙殷衡疾

玄暉權寵欲得其處

蔣玄暉時為樞密使內專朝廷之權外結朱全忠之寵

因譖

之於全忠曰玄暉璨等欲延唐祚故逗遛其事以須變

須待也

玄暉聞之懼自至壽春具言其狀

言朱全忠在壽春行營蔣玄暉

懼罪故自往言狀

全忠曰汝曹巧述間事以沮我

沮在呂翻止也

借使

我不受九錫豈不能作天子邪

禪代之事先封大國次加九錫殊禮此王莽創

為之也魏晉踵而行之諱其名而受其實魏文帝所謂舜禹之事吾知之矣其言雖不至如朱全忠之凶暴其欲篡之心則一也玄暉曰唐祚已盡天命歸王愚智皆知之玄

暉與柳璨等非敢有背德

背誦妹翻

但以今茲晉燕岐蜀皆

吾勍敵

晉李克用燕劉仁恭岐李茂貞蜀王建勍渠京翻

王遽受禪彼心未服

不可不曲盡義理然後取之欲為王創萬代之業耳

為于



翻 偽

全忠叱之曰奴果反矣玄暉惶遽辭歸與璨議行九

錫時天子將郊祀百官既習儀

唐制大祀百官皆先習儀受誓戒散齋致齋而

後行

裴迪自大梁還

裴迪先至壽春行營從朱全忠還大梁自大梁還洛陽

言全

忠怒曰柳璨蔣玄暉等欲延唐祚乃郊天也璨等懼庚

午敕改用來年正月上辛殷衡本姓孔名循為全忠家

乳母養子故冒姓趙後漸貴復其姓名壬申趙匡明至

成都

正月丁卯奔荆南至是方至成都

王建以客禮遇之昭宗之喪朝

廷遣告哀使司馬卿宣諭王建至是始入蜀境西川掌書

記韋莊為建謀

為于偽翻  
下思為同

使武定節度使王宗綰諭卿

曰

武定節度使治洋州蜀  
之東北鄙也故使諭卿

蜀之將士世受唐恩去歲聞

乘輿東遷凡上二十表

乘輿證翻  
上時掌翻

皆不報尋有士卒自

汴來聞先帝已罹朱全忠弑逆蜀之將士方日夕枕戈

枕職  
任翻

思為先帝報仇不知今茲使來以何事宣諭舍人

宜自圖進退

司馬卿抑時為中書舍人歟否則唐制中  
書通事舍人掌受四方章奏及宣傳詔命

今以卿將命出  
使故稱之歟

卿乃還

還從  
宣翻

庚辰吳武忠王楊行密

薨

年五十四  
考異曰十國紀年注吳錄唐烈祖實錄  
及吳史官王振撰楊本紀皆云天祐二年十一月庚

展行密卒敬翔梁編遺錄云天祐三年三月潁州獲河東謀者言去年十一月持李克用絹書往淮南十二月至揚州方知楊行密已死與莊宗功臣列傳行密傳所載畧同沈顗行密神道碑殷文圭行密墓誌游恭渥墓誌皆云天祐三年丙寅二月十三日丙申卒薛居正五代史行密傳亦云天祐三年卒行密之亡嗣君幼弱不由朝命承襲或始死未敢發喪赴以明年二月疑沈顗等從而書之墓誌云十一月吳王寢疾付渥後事投淮南使或本紀等誤以此月為行密卒王振沈顗殷文圭游恭皆仕吳而記錄差異固不可考今從舊史而存碑誌年月以

將佐共請宣諭使李儼承制投楊渥淮南節

廣傳聞

度使東南諸道行營都統兼侍中弘農郡王

楊行密請李儼承制

見二百六十三卷天復二年渥字承天楊行密長子

柳璨蔣玄暉等議加朱全

忠九錫朝士多竊懷憤邑

朝直  
遙翻

禮部尚書蘓循獨揚言

曰梁王功業顯大厯數有歸朝廷速宜揖讓朝士無敢

違者辛巳以全忠為相國總百揆以宣武宣義天平護

國天雄武順佑國河陽義武昭義保義戎昭武定泰寧

平盧忠武匡國鎮國武寧忠義荆南等二十一道為魏

國

宣武領汴宋毫毫宣義領汝鄭滑天平領鄆曹濮濟  
護國領河中晉絳慈隰天雄領魏博貝衛瀘相武順

領鎮冀深趙佑國領京兆商華河陽領孟懷義武領定

祁易昭義軍領潞澤保義領邢洺磁戎昭領金均房武

定領洋泰寧領兗沂密平盧領青淄齊棣登萊忠武領

陳許匡國領同鎮國領陝號武寧領徐宿忠義領襄鄧

隨郢唐復安荆  
南領荆歸峽

進封魏王仍加九錫全忠怒其稽緩讓

不受十二月戊子命樞密使蔣玄暉齎手詔詣全忠諭

指癸巳玄暉自大梁還言全忠怒不解甲午柳璨奏稱

人望歸梁王陛下釋重負今其時也即日遣璨詣大梁

達傳禪之意全忠拒之初璨陷害朝士過多

謂白馬之禍也

全

忠亦惡之

惡烏路翻

璨與蔣玄暉張延範朝夕宴聚深相結

為全忠謀禪代事

為于偽翻

何太后泣遣宮人阿虔阿秋達

意玄暉語以它日傳禪之後求子母生全

阿烏葛翻語牛倨翻帝及

德王裕皆何太后子也昭宗已弑裕與諸弟稍長相繼而死事已至此后之母子能獨全乎后素號多智臨難乃爾蓋當時以能隨時上下以全生者為智也王殷趙殷衡諧玄暉云與柳璨

張廷範於積善堂夜宴對太后焚香為誓期興復唐祚

何太后時居積善宮

全忠信之乙未收玄暉及豐德庫使應頊御

厨使朱建武繫河南獄

河南府獄

以王殷權知樞密趙殷衡

權判宣徽院事全忠三表辭魏王九錫之命丁酉詔許

之

朱全忠憤怒正欲殺蔣玄暉等乃復行魏晉之事表辭者敬翔教之也詔許之者王殷等承朱全忠之風

也指更以為天下兵馬元帥然全忠已修大梁府舍為宮

闕矣

史誅其心迹以示天下後世

是日斬蔣玄暉杖殺應項朱建武

庚子省樞密使及宣徽南院使獨置宣徽使一員以王

殷為之趙殷衡為副使辛丑敕罷宮人宣傳詔命

天復三年

誅宦官以內夫人宣傳詔命考異見前

及參隨視朝

開元禮疏曰晉康獻褚后臨朝不坐則宮

人傳命百僚周隋相因國家承之不改唐六典曰宮嬪司贊掌朝會贊相之事凡朝引客立于殿庭至天祐三年詔曰宮嬪女職本備內任今後遇延英坐日只令小黃門祇候引從宮人不得出內正是年詔教也

追

削蔣玄暉為凶逆百姓令河南揭尸於都門外聚衆焚

之

河南河南府也揭其謁翻舉也

玄暉既死王殷趙殷衡又誣玄暉私

侍何太后令阿秋阿虔通導往來已酉全忠密令殷殷

衡害太后于積善宮敕追廢太后為庶人

子而廢母是復晉峻陽之

事也

阿秋阿虔皆於殿前撲殺

撲弼角翻

庚戌以皇太后喪廢

朝三日

既廢母為庶人又廢朝三日既非喪母之禮又不足以塞天性矣廢朝三日既非喪母之禮又不足以塞天性

之傷唐之臣子非唐之臣子也朝直遙翻

辛亥敕以宮禁內亂罷來年正月

上辛謁郊廟禮

唐不復郊矣

癸丑守司空兼門下侍郎同平

章事柳璨貶登州刺史太常卿張廷範貶萊州司戶甲

寅斬璨於上東門外車裂張廷範於都市

自罷謁郊廟以下皆朱全



忠之  
風心  
璨臨刑呼曰負國賊柳璨死其宜矣

呼火故翻

西川

將王宗朗不能守金州焚其城邑奔成都

王宗朗守金州纔三月耳

戎昭節度使馮行襲復取金州奏請金州荒殘乞徙理

均州從之更以行襲領武安軍

考異曰實錄云改為武寧軍新表云改為武

定軍按武寧乃徐州軍額武定乃洋州軍額不應同名  
績寶運錄注云天復七年秋汴軍都頭號馮青面改姓  
朱授全忠印綬為洋州刺史授當作受洋州自景福元  
年刺史楊守佐歸順鳳翔後被朱全忠除此年秋蜀第  
二指揮使王宗綰收獲金州都押衙全貴帥衆降賜姓  
王名宗朗拜金州刺史又編遺錄天祐三年二月云行  
襲已于均州建節因署韓恭知金州事請朝廷落下防  
禦使并不建戎昭軍以此諸書參驗似是今者以行襲

兼領洋州節制非改戎昭為武定軍實錄新表皆誤續  
實運錄天復七年亦誤也 按考異則武安軍當作武

定軍參考新

陳詢不能守睦州奔于廣陵

為兩浙兵所逼也僖

舊書亦然

宗中和四年陳晟  
據睦州至詢而敗

淮南招討使陶雅入據其城

楊渥

之去宣州也欲取其幄幕及親兵以行觀察使王茂章  
不與渥怒既襲位遣馬步都指揮使李簡等將兵襲之

楊渥襲位曾幾何時而修怨于一州  
將其禍量如此固不足以君國子民

湖南兵寇淮南

淮南牙內指揮使楊彪擊却之

三年春正月壬戌靈武節度使韓遜奏吐蕃七千餘騎

營於宗高谷將擊嗚未及取涼州

趙珣聚米圖經曰靈武自賀蘭山路過西

至涼州九百里

李簡兵奄至宣州王茂章度不能守

度徒洛緡帥

衆奔兩浙

帥讀曰率

親兵上蔡刁彥能辭以母老不從行登

城諭衆曰王府命我招諭汝曹

楊渥父子皆以王爵鎮廣陵故稱淮南軍府為

王府大兵行至矣衆由是定陶雅畏茂章斷其歸路

斷音短

引兵還歙州錢鏐復取睦州

睦州自此屬錢氏楊氏不能爭歙書涉翻

鏐以

茂章為鎮東節度副使更名景仁

更工衡翻

乙丑加靜海

節度使曲承裕同平章事

曲承裕乘亂據有安南

初田承嗣鎮

魏博選募六州驍勇之士五千人為牙軍

事見二百二  
十二卷代宗

廣德元年

厚其給賜以自衛為腹心自是父子相繼親黨膠

固歲久益驕橫

橫戶  
孟翻

小不如意輒族舊帥而易之

帥所  
類翻

自史憲誠以來皆立於其手

穆宗長慶二年立史憲誠  
文宗大和三年立何進滔

懿宗咸通十一年立韓允中  
僖宗中和三年立樂彦禎文德元年立趙文珣

立羅弘信

天雄節度

使羅紹威心惡之力不能制

惡烏  
路翻

朱全忠之圍鳳翔也

團鳳翔見昭宗天  
復元年二年三年

紹威遣軍將楊利言密以情告全忠

欲借其兵以誅之全忠以事方急未暇如其請陰許之

及李公全作亂

去年七月李公全亂見上

紹威益懼復遣牙將臧延

範趣全忠

趣讀曰促

全忠乃發河南諸鎮兵七萬遣其將李

思安將之會魏鎮兵屯深州樂城

魏鎮魏博鎮冀兩鎮樂城恐當作樂壽

聲言擊滄州討其納李公全也會全忠女適紹威子廷

規者卒

卒子恤翻

全忠遣客將馬嗣勲實甲兵於橐中

有底曰囊

無底曰橐橐捷各翻

選長直兵千人為擔夫

長直兵蓋選驍勇之士長使之直衛不以

番代者也擔都濫翻

帥之入魏

帥讀曰率下同

詐云會葬全忠自以大軍

繼其後云赴行營牙軍皆不之疑庚午紹威潛遣人入

庫斷弓弦甲襍

斷音短襍  
普患翻

是夕紹威帥其奴客數百與

嗣勲合擊牙軍牙軍欲戰而弓甲皆不可用遂圍營殪

之

殪一  
計翻

凡八千家嬰孺無遺詰旦全忠引兵入城

詰去  
吉翻

辛未以權知寧遠留後龐巨昭嶺南西道留後葉廣

畧並為節度使

二人皆能保據  
本道因而命之

庚辰錢鏐如睦州

九  
城

志杭州西南至睦  
州三百一十五里

西川將王宗阮攻歸州獲其將韓

從實

歸州屬  
荆南

陳璋聞陶雅歸歛自婺州退保衢州而

浙將方永珍等取婺州進攻衢州

去年九月淮南兵取  
婺州陳璋本以衢州

附淮南令自  
婺州退保之

楊渥遣先鋒指揮使陳知新攻湖南三

月乙丑知新拔岳州逐刺史許德勲

昭宗天復三年湖南將許德勲取岳

州今渥以知新為岳州刺史

為陳知新等覆軍張本

戊寅以朱

全忠為鹽鐵度支戶部三司都制置使三司之名始于

此全忠辭不受夏四月癸未朔日有食之羅紹威

既誅牙軍魏之諸軍皆懼紹威雖數撫諭之

數所角翻

而猜

怨益甚朱全忠營於魏州城東數旬將北巡行營會天

雄牙將史仁遇作亂聚眾數萬據高唐

高唐漢古縣唐屬博州九域志

在州東北一百一十里

自稱留後天雄巡內諸縣多應之全忠移

軍入城遣使召行營兵還攻高唐至歷亭

歷亭縣屬貝州九域志在

州東九十里宋白曰歷亭縣之地自後魏至高齊其地屬鄆縣隋開皇十六年于永濟渠南置歷亭縣遙取漢歷城縣為名按漢地理志歷城屬信都郡在蓍縣界王莽改曰歷亭唐萬歲登封元年移就疆河置在古歷城

西七十里

魏兵在行營者作亂與仁遇相應元帥府左司馬

李周彝右司馬符道昭擊之所殺殆半進攻高唐克之

城中兵民無少長皆死

少詩照翻長知兩翻

擒史仁遇鋸殺之先

是仁遇求救於河東及滄州

先悉薦翻

李克用遣其將李嗣



昭將三千騎攻邢州以救之時邢州兵纔二百團練使

牛存節守之嗣昭攻七日不克全忠遣右長直都將張

筠將數千騎助存節守城筠伏兵於馬嶺擊嗣昭敗之

敗補  
遺翻

嗣昭遁去義昌節度使劉守文遣兵萬人攻貝州

又攻冀州拔蓆縣進攻阜城

蓆阜城並漢古縣唐屬冀  
州九域志蓆縣在州東北

一百五十里阜城在州  
東一百六十里蓆音條

時鎮州大將王釗攻魏州叛將

李重霸於宗城

宗城縣屬魏州九域志  
在州西北一百七十里

全忠遣歸救冀

州滄州兵去

滄州兵即劉  
守文所遣

丙午重霸棄城走汴將胡規

追斬之 鎮南節度使鍾傳以養子延規為江州刺史

傳薨軍中立其子匡時為留後延規恨不得立遣使降

淮南

考異曰實錄初鍾傳養上藍院僧為子曰延圭補江州刺史傳卒遂召淮師陷其城今從十國紀

年吳

五月丁巳朱全忠如洛州遂巡北邊視戎備還

入于魏

丙子廢戎昭軍并均房隸忠義軍

併屬山南東道以

武定節度使馮行襲為匡國節度使

馮行襲自均州徙同州

楊

渥以昇州刺史秦裴為西南行營都招討使將兵擊鍾

匡時於江西

鍾延規啓之也

六月甲申復以忠義軍為山南

東道

僖宗文德元年以山南東道為忠義軍

朱全忠以長安鄰於郿岐

數有戰爭

九域志長安西北至郿州二百七十五里西至鳳翔三百九里數所角翻

秦徙佑

國節度使韓建於淄青

韓建本與李茂貞連結者也朱全忠恐其復然故徙之

以

淄青節度使長社王重師為佑國節度使秋七月朱

全忠克相州時魏之亂兵散據貝博澶相衛州

澶時連翻相息

亮翻全忠分命諸將攻討至是悉平之引兵南還

考異曰實錄

在六月今從編遺錄唐太祖紀年錄編遺錄七月癸未上起兵離魏都按是月壬子朔無癸未編遺錄誤也

全忠留魏半歲

自正月入魏至是半歲

羅紹威供億所殺牛羊豕

近七十萬資糧稱是所賂遺又近百萬比去蓄積為之

一空

近其靳黈稱尺證黈遺唯季翻比必利翻為于偽翻

紹威雖去其逼

去羌呂翻

而

魏兵自是衰弱紹威悔之謂人曰合六州四十三縣鐵

不能為此錯也

魏州領貴鄉元城魏館陶冠氏莘朝城昌樂臨河洹水成安內黃宗城永濟十

四縣博州領聊城博平武水清平堂邑高唐六縣相州

領安陽鄴湯陰林慮堯城臨漳六縣衛州領汲衛共城

新鄉黎陽五縣貝州領清河清陽武城經城臨清漳南

歷亭夏津八縣澶州領頓丘清豐觀城臨黃四縣錯鑣

也鑄為之又釋錯為誤羅以

壬申全忠至大梁

考異曰編遺

殺牙兵之誤取鑄錯為喻

錄云壬辰亦誤

秦裴至洪州軍于蓼洲諸將請阻水立寨裴

不從鍾匡時果遣其將劉楚據之諸將以咎裴裴曰匡

時驍將獨楚一人耳若帥衆守城不可猝拔

帥讀曰率下同

吾

故以要害誘致之耳

誘音西

未幾裴破寨執楚

楚居豈翻

遂圍

洪州饒州刺史唐寶請降

降戶江翻

八月乙酉李茂貞遣

其子侃為質於西川

質音致

王建以侃知彭州

朱全忠

以幽滄相首尾為魏患

幽劉仁恭滄劉守文父子相為首尾

欲先取滄州

甲辰引兵發大梁兩浙兵圍衢州

此即方永珍之兵也

衢州刺

史陳璋告急於淮南楊渥遣左廂馬步都虞候周本將

兵迎璋本至衢州浙人解圍陳於城下璋帥衆歸于本

兩浙兵取衢州

淮南與浙人爭發睦州三州至是方悉歸于錢氏陳讀曰陣帥讀曰率

呂

師造曰浙人近我而不動輕我也請擊之

呂師造初於青山之捷氣

陵浙人近其新翻

本曰吾受命迎陳使君今至矣何為復戰彼

必有以待我也遂引兵還本為之殿浙人躡之

復扶又翻殿丁

練翻躡尼輒翻

本中道設伏大破之九月辛亥朔朱全忠自

白馬渡河丁卯至滄州軍於長蘆

杜佑曰滄州長蘆縣漢參蘆縣地宋廢縣

為長蘆鎮屬清池縣

滄人不出羅紹威饋運自魏至長蘆五百里

不絕於路又建元帥府舍於魏所過驛亭供酒饌幄幕

什器

饌雖皖翻又雖戀翻

上下數十萬人無一不備

羅紹威厚奉朱全忠不惟

以報德亦懼因伐號之便而取虞也

秦裴拔洪州虜鍾匡時等五千人

以歸

僖宗中和二年鍾傳據洪州至匡時而亡

楊渥自兼鎮南節度使以裴

為洪州制置使

淮南楊氏遂兼有江西之地

靜難節度使楊崇本

以鳳翔保塞彰義保義之兵攻夏州

保義當作保大蓋保義軍領邢洺磁

在山東而保大軍領鄜坊與邠岐等鎮皆在關西也難乃旦翻夏戶雅翻

匡國節度使劉知

俊邀擊坊州之兵斬首三千餘級擒坊州刺史劉彥暉

坊州保大軍巡屬也以此證上文保義其誤明矣

劉仁恭救滄州戰屢敗乃

下令境內男子十五以上七十以下悉自備兵糧詣行營軍發之後有一人在閭里刑無赦或諫曰今老弱悉

行婦人不能轉餉此令必行濫刑者衆矣乃命勝執兵

者盡行

勝音升

文其面曰定霸都士人則文其腕或臂

腕脫

貫翻

曰一心事主於是境內士民穉孺之外無不文者

穉直

利翻

得兵十萬軍于瓦橋時汴軍築壘圍滄州烏鼠不能

通仁恭畏其強不敢戰城中食盡九土而食或互相掠



啖

啖徒  
濫翻

朱全忠使人說劉守文曰

說式  
荷翻

援兵勢不相及

何不早降守文登城應之曰僕於幽州父子也梁王方

以大義服天下若子叛父而來將安用之全忠愧其辭

直為之緩攻

為于  
偽翻

冬十月丙戌王建始立行臺於蜀

考異曰續寶運錄曰天復六年十月  
六日行下此榜帖則是此年十月也

建東向舞蹈號

慟

號戶  
力翻

稱自大駕東遷

謂昭宗  
遷洛也

制命不通請權立行臺

用李晟鄭畋故事承制封拜

按李晟討朱泚屯東渭橋  
但請假裨佐趙光銑唐良

臣張或為洋利劍三州刺史以通蜀漢喉衿上不暇從  
也其後假張或京兆少尹以調饑內蜀米表李懷光降

將孟涉段威勇以要官未嘗承制封拜也鄭畋  
便宜從事見二百五十四卷僖宗廣明元年 仍以牓

帖告諭所部藩鎮州縣 劉仁恭求救于河東前後百

餘輩李克用恨仁恭返覆

劉仁恭以幽州叛李克用又約朱全忠共攻之此克用之

所深恨也

竟未之許其子存勗諫曰今天下之勢歸朱溫者

什七八雖强大如魏博鎮定莫不附之自河以北能為  
溫患者獨我與幽滄耳今幽滄為溫所困我不與之併  
力拒之非我之利也夫為天下者不顧小怨且彼嘗困  
我而我救其急以德懷之乃一舉而名實附也此乃吾

復振之時不可失也

史言李存勗智識能輔其父所不逮

克用以為然與

將佐謀召幽州兵與攻潞州曰於彼可以解圍於我可

以拓境乃許仁恭和召其兵仁恭遣都指揮使李溥將兵

三萬詣晉陽克用遣其將周德威李嗣昭將兵與之共

攻潞州夏州告急於朱全忠戊戌全忠遣劉知俊及

其將康懷英救之楊崇本將六鎮之兵五萬軍于美原

據上文則楊崇本所將者五鎮之兵耳蓋併將秦隴之兵為六鎮

知俊等擊之崇本大

敗歸于邠州武貞節度使雷彥威屢寇荆南留後賀

環閉城自守

去年九月汴將賀瓌守荆南

朱全忠以為怯以潁州防

禦使高季昌代之

高季昌自此遂據有荆南

又遣駕前指揮使倪可

福將兵五千戍荆南以備吳蜀

倪可福自此遂委質於高季昌

朗兵引

去

朗兵雷彥威之兵也

十一月劉知俊康懷貞

以此觀之上文誤作懷英

乘

勝攻鄜延等五州下之加知俊同平章事以懷貞為保

義節度使

恐即命康懷貞以鄜時保義當作保大以通鑑明年書保平節度使康懷貞證之又恐自

是保義

西軍自是不振

西軍謂邠岐軍也

湖州刺史高彥卒子

澧代之

澧音禮

十二月乙酉錢鏐表薦行軍司馬王景

仁詔以景仁領寧國節度使

王景仁即王茂章是年正月弃宣州歸錢鏐

考異

曰薛居正五代史鏐辟為兩府行軍司馬具以狀聞太祖復命遙領宣州節度使同平章事歐陽修五代史曰

鏐表景仁領宣州

節度使今從之 朱全忠分步騎數萬遣行軍司馬

李周彝將之自河陽救潞州 閏月乙丑廢鎮國軍興

德府復為華州隸匡國節度割金商州隸佑國軍

併同華為

一鎮割金商以隸佑國皆欲厚其資力以扞邠岐

初昭宗凶計至潞州

計音赴告

妻曰 昭義節度使丁會帥將士縞素流涕久之

師讀曰率 及

李嗣昭攻潞州會舉軍降於河東

考異曰唐太祖紀年錄丁酉丁會開門

迎降閏十二月太祖以李嗣昭為潞帥薛居正五代史梁紀在閏月後唐紀在十二月今從新舊唐紀薛史梁

紀及編  
遺錄

李克用以嗣昭為昭義留後會見克用泣曰會

非力不能守也梁王陵虐唐室會雖受其舉拔之恩誠

不忍其所為故來歸命耳

無是非之心非人也丁會其有是非之心者乎

克用

厚待之位於諸將之上已已朱全忠命諸軍治攻具將

攻滄州

治直之翻

壬申聞潞州不守甲戌引兵還先是調河

南北芻糧水陸輸軍前

先悉薦翻調徒吊翻輸春遇翻

諸營山積全忠

將還悉命焚之煙炎數里在舟中者鑿而沉之

炎讀曰餓沈持

林翻朱全忠舉兩河之兵力以攻劉守文滄州孤城破在旦夕遽以潞州內叛燒營而退者豈不知功壞于垂成哉蓋潞州天下之脊而河東之兵全忠之所素憚者也自潞州而南下太行直抵懷孟之郊可以進據洛都

一正唐室全忠之篡事不成矣此其所以狼狽而返劉守文使遺全忠書曰王以

百姓之故赦僕之罪解圍而去王之惠也城中數萬口

不食數月矣與其焚之為煙沈之為泥願乞其餘以救

之全忠為之留數圍以遺之

劉守文之辭卑而情可矜故全忠之凶暴亦為之感

動遣惟季翻乞音氣為于偽翻

滄人賴以濟河東兵進攻澤州不克而

退吉州刺史彭玕遣使請降於湖南

鍾氏既亡故彭玕請降于馬氏

玕音千路振玕本赤石洞蠻酋鍾傳用為吉州刺史慈

九國志作玕

翻由

資治通鑑卷二百六十五